

5236.07/4432

12

文翰類選大成

文翰類選大成卷第二十七五言古詩目錄

哈佛大學哈佛燕京圖書館珍藏印

國朝

王備計五

黃淮十首

王逢三首

熊直五首

羅汝敬三首

夏原吉一首

楊士奇八首

胡儼計二

金善六首

解縉一首

胡廣六首

李至剛一首

吳溥七首

鄒緝三首

曾榮二首

李時勉計六

尹昌隆一首

梁潛六首

曾鶴齡七首

余學夔五首

王英計二

周述五首

張徹一首

戴仲才三首

李禎七首

周忱計二

黎克輝一首

劉士皆十首

管時敏六首

周叙八首

張無為二首

左彥彰一首

趙迪三首

徐行一首

錢復亨四首

錢宰五首

朱昇一首

張楷三首

王希範三首

章珩三首

蘇正二首 張保一首 金鉉二首 洪璵一首
 袁珙二首 梁銛一首 林敬一首 賀祖嗣一首
 應祥三首 東詢一首 釋來復一首 釋古頂一首
 釋宗原二首 應志和三首 錢溥一首 釋幻菴

文翰類選大成目錄終

五言古詩目錄

五言古詩目錄

文翰類選大成卷第二十七

左長史上海李伯璵編輯
 伴 讀慈谿馮 厚校正

詩類 五言古

國朝

感寓十五首 王侗字孟揚三山人翰林檢討

吾聞上古初渾灝本一氣義皇肇人文龍馬颯已至軒鴻垂
 衣紳唐虞臻至治標巢邈以遠黼黻日云貴云胡蒼姬還玄
 酒薄真味鳳衰其如何寥落匪一世

端居閱玄文云是古苔編中有羽化術鍊服可延年中夜養
 玄牝積虛成自然朝餐沆瀣糧夕飲玉醴泉東邀青童君西
 揖金母前咲攀若華枝頰見昆吾顛茲事苟不繆吾將命吾

旃

玄穹貯幽默至理何寡々良窳潛一機迴薄如旋飈媿媿孰
妍媸殤聃詎遶遼張生既中廢單子亦外彫所以塞北翁頗
識理亂條云胡徇物者汲々徒內焦咄哉感吾衷長歌且行謠
金行昔弛馭胡馬窺神州腥羶厭神鬼犬豕輕王侯蹴踏五
都裂穢濁三精收上天實旣淫所佑在祥休豈伊否泰運一
氣恒相適經過覽故墟落日黃雲浮冥穹不可訊涇渭方安汜
秋氣肅萬物嚴霜下空庭不惜百草晚惜此蘭蕙傾祥麟一
朝羈尼父為涕零大運固莫測聖哲那能管容成安在哉遠
跡良冥冥

艷色不返貴所貴在適時昭君傾國容遂為丹青欺蛾眉嫁
嬌虜一往不可追至今青塚月夜々令人悲

玉兔不盈把德輝照四隣段生日偃臥迺能蕃衛君澆風薄
士節自碎明月珍求蟬貴明火俛仰懷古人

闌居嬰世媒局束無安步石火流狂飈憂來鬢成素誓言濯
吾纓釋此出門去臨汜弄滄浪升丘引遐頤仰羨双飛鴻肅
肅在雲路

直木忌先伐甘井忌先竭何為抱區々昭如揭日月至人善
閉關埋照慎不發入獸不亂群虛舟任超越襄壑迷帝軒汾
陽在堯轍栖心玄靈臺可與人世絕

天々園中桃灼々映綺窓窓中有織婦顏色如青陽三年弄
機杼七襄成報章成章欲何為願以充君裳但恐不見察徘徊
空感傷

我有大阿劔龍文祭其章精光動星斗揮霍迴陰陽淬以金

礪鷄衣之古盤。寒夜深雷雨。驚恐逐風雲。翔剛明易點。缺貴能斂其銍。用之如發矟。保之在深藏。去勿復道相期。霄漢長東園桃李樹。灼灼春妍華。佳人不再摘。芳意其如何。白日每不退流光。竟蹉跎。大運苦難遇。感此哀情多。

宋人得燕石。自謂璠與璵。徒勞十嚴重。見哂周大夫。流俗又繆悟。美價恒異沽。所以卞和子。抱璞空長吁。

照影莫唾井。種葵莫傷根。葵不生唾井。陳明神樂生。北去趙由余。西霸秦壯士。感知已鄙人。惠私息止。且勿哀千古黃金臺。

微禽變淮海。流光迅驚湍。人生豈不化。徒結千載歡。昔為金虎臺。今見荆棘。摺碧海不可蹈。紫閨邈難攀。誰邀箱丙馭。去覓無窮源。

雜詩九首

黃淮

乾坤妙無迹。化機自旋斡。秋霜殞勁條。春陽啓苞蘗。消息互來往。進退相排軋。卓哉古君子。析理甚明達。處困猶處亨。志定不可奪。

房宿孕神駒。飛騰出西極。紫電寒掣雲。汗溝赫流赤。歷塊躡一蹶。窮年困輿楫。坐抹不充飢。逸氣那能抑。瑤池春水波。清渭烟草碧。顧影奮長鳴。浩蕩惟所適。

潛魚樂深沼。棲鳥戀舊枝。物類各有託。羈人獨何依。微軀非槁木。跬步不可移。天道信無忒。禍福恒相持。塞翁豈不偉。百世知者希。

燦燦桃李花。離離松與栢。肖形居兩間。所志將安適。豈不樂華妍。民彝有常則。疏越維朱絃。揮杓不采飾。遐哉聖賢心。斂

衽三歎息

蒿蓬相因依飄飄逐風起風力有時息零落在泥滓蘭蕙幽
且清揚輝被芳沚白露疑為霜華葉亦披靡蒿蓬何足歎慨
此蕙與蘭蘭衰有餘馥猶足奉君歡

惠風起潛頴秋霜瘁蕃柯懸車屢改轍倏如流電過紛擾昧
平生壯志常蹉跎淒淒朝露歎响响勞者歌我生非無乏局
促將焉何棄置勿哀鬱哀鬱傷天和

事夫移所天結髮願終老朝花未改容零落同秋草涕泗沾
衣巾沈思怒如憐妾有明月珠朝夕置懷抱慮恐生埃塵拂
拭常自保安得懸君軒照君即遠道

朋友以義合在古理則然信義苟不虧宜同膠漆堅良人與
我違斗杓屢西旋辭色曠不接中心常悄悄如何反掌間棄

我如躡筌醇酒味不薄春花色易妍誰云一絲淚能令金骨
穿

四海同文軌大道無回曲瑣今遠游子岐路自相逐岐路多
荆榛翳翳迷人目才于尚多艱傷哉千里足謂尔尔不信覆
謂予言瀆俛仰多所懷誰能事休復歌我鹿鳴詩聊以慰幽
獨

巳亥中秋

涼飈屏氛翳瑤空迥無迹望舒駕冰輪憑虛碾晴碧桂樹耀
寒芒銀蟾疑素魄映水亂搖金當軒淨懸壁盈虧信有恒光
華羨茲夕北里醉歌鍾南樓縱豪適撫景良足歡羈人重淒
惻淒惻將柰何馳情戀

宸極雲漢日昭回胡為久遐逝稽首願明月流輝照丹臆

題顏守仁竹石圖

王逢

廣文窮益堅竹石研池出勢却虞人旌籟隱伶倫律渭川春
暗雨淇園寒落日鳳深蒼梧雲茅簷花復實

題俞東岡六有齊

隱居古善人中歲稅塵鞅座陳五經傳楮揭六有榜儼若上
帝臨於焉岱宗仰昕曠貴循度瞬息戒或罔賓師舉比擁兕
孫蚌珠朗將見一家學鄉術春浹益世方驚虛遠俗復競浮
獎不啻窺橫渠章航排風上予嗟清流輩既悼八厨黨何堪
名教間浩然獨還往月林函踈影溪嶼臻灑爽良觀匪後遲
朋酒置犧象

沈一中清友為脩秋堂風露琴先寄是詩期過取間
園夜宿

一日焦尾脫十年孤鳳音忻迎運斤手妙得斲輪心溪館老
烟薄石床蘿月深携之肯枉過惻耳陽春音

立秋後有懷京洛諸故舊

熊直

字敬方號西澗吉水人贈右都御史

秋序昨夜至炎蒸尚熾然青山不改色黃葉墮我前物性固
細微迺得氣之先人生宇宙間俛仰終百年質非金石固豈
得恒雕鑄朱顏亦易失皓髮無由玄念我平生友磊落皆俊
妍清狂二十載聚散如雲煙高歌白玉堂隱約青楓蕪行止
固不偶所賦良由天云何謬一出凌空失高騫自慚白紵文
有負青瑣賢九霄高漠漠千里情悄悄昨尋東籬菊欲買南
山田安分乃吾事富貴甘棄捐努力事勲業諸公斯勉旃

登石材嶺偶成二首

驅車市廛間紛紜競馳逐勝地
登臨稍覺舒心目前來葛

溪險後俯巽峰綠猿啼隔幽湫鳥鳴在空谷上有千歲松茨
苓日堪斲下有百尺潭蛟鼉日潛伏聞知學仙侶誅茅向其
麓求之不可得况可與論宿擾擾塵世人何為苦羈束願言
往從之超然越流俗

蚤讀聖賢書無心志丘壑欲起振黃流翱翔上寥廓如何由
道乖塵事苦羈縛今日旅江臯明日走城郭杖履不容離巾
鞵豈能却佳晨陟幽巘俗慮俱脫畧緣微度前嶺跼步登
崿時秋積雨霽草樹將搖落安得一壺酒遠與幽人酌陪歌
天壤間具棲有真樂

題瀘源顏氏三節婦傳

丈夫志耿介女子才實罕苟或見操執翻令丈夫羞元運昔
糾解盜賊森戈矛屠戮盡良善奔竄無所由昭昭顯氏文信

見婦行周其一甘自斃委身赴清流其一斷其吭流血被
頭最後遇俘獲怒罵聲喧秋倬哉賢妯娌厲氣凌高秋偷生
既不可義死終無尤煌煌曾公業孤苦殊與伴如何後來士
肉食尸人謀一旦異所操忍辱甘事仇仁山聳而秀瀘水清
且幽我歌節婦詞激烈壯心憂

夜宿懈空寺

朝從龍濟遊暮投懈空宿山深風雨來庭戶秋容肅解衣掛
垂蘿裁詩俯脩竹寓此適幽情超然脫塵俗

孔堂詩送司訓鍾鏞

羅汝敬

玄聖不可作仰止惟高堂猗蘭被前除壇杏蔭長廊巋然詩
禮庭允矣仁義塲清音奏絲竹雅韻諧宮商我欲往造之地
遠不得將若人揚教鐸登謁嚴趨蹌於焉詣聖域遂此窺宮

增丈席得所親茲游安可忘

龍泉劉主事母貞節

蒼松自古色至寶無纖垢物理固若此節義何當虧炳炳劉氏母皎皎冰雪姿二十嬾清門婉婉遵令儀鮭珎與線續膳服適攸宜三十失所天呱呱泣諸兒青燈照虛壁絡緯鳴空機辛苦春復秋幸此無寒飢云胡白日暮坐見霜髮垂及茲祿養豐足以酬恩慈矧復沐清化遐齡諒無期昭哉太史傳不愧柏舟詩

斗山風木為林時僉事題

悲風何處來吹我庭前樹淒其孝子心感此傷遲莫憶昔具慶日怡怡奉親顏雖無旨甘味菽水恒盡歡所歡謂無期云胡啓遐悼峨峨斗岩山玄臺莽秋草五鼎豈不貴三牲諒甘

肥九原不可作徒重千古思懷哉復懷哉已矣復已矣柏臺烏夜啼寒襟濕秋淚

諭飢鳥

夏原吉

飢鳥來屋頭軒然振雙翼啞啞向我啼其意欲得食我行顧我厨餘糗頗云積粲粲白如銀瑩瑩燥如炙足可廢鳥飢盡與非所惜緣以目前人困乏動千億賑恤未有方夙夜慨中赤况此所餘糗粒出民力我食尚懷愧飼鳥寧不惕飢鳥勿此啼山林有榛栗

三月二日秋官郎中彥謚賢友南行詩以識別

楊士奇

楊生青雲器文采輝白壁腰間龍泉劍別我有遠適吾聞禹徂征舞干致苗格所以宣尼訓服遠修文德好謀而有成明明垂警飭如何才智士宏議薄古昔懷忿忽遠圖急功幸苟

得寧論萬里行糗糒豫峙積漢廷所遣帥孰是趙充國子行
職替襄龜勉攄良畫雖有斗酒餞安能寫胸臆臨岐念素交
聊贈繞朝策

雜詩三首贈陸伯陽

中夜不能寐攬衣步前楹負靈肅清穆涼風颯以興秋蟲亦
何悲流響於階庭徘徊感節變絲、憂思生四時擲人去忽
如流電驚立身庶及時勉苦無成竊愁盛年邁將與秋草
并念之不得言俛默傷我情

翻、孤鴻雁遙、鳴且飛寒陰翳洲渚日暮將安歸棲、客
游子獨往臨終岐薇食聊自甘卒歲仍無衣達士守固窮違
西寒與飢先民有遺言樂命復奚疑

南國有佳人皎、懷分芳被服紉與綺五色何煌、容儀希

世有音響流四方我懷往從之晨征越河梁嘉遇誠獨難
愛兩相當願得常携手終歲不相忘

同蔡騏尚遠尤安禮文度朱智仲禮揚蕭仲舉蔡曹
用嚴遊東山得剪字

步出城東門逍遙望雲巘累月懷佳遊茲晨遂登踐梵宇繞
層阿飛樓凌絕峴方塘涵湛碧喬林茂敷衍繁翳幽莫通丰
茸紛不剪攀磴窮高躋緣逕屢回轉是時微雨散輕霞澹舒
卷睇遙素橫川俯夷綠盈畎陟降體自便顧盼心已緬况接
曠士言復偶釋子辯折空理弗昧違喧抱逾展何因此間棲
永令浮慮遣

送王胡兩生歸西昌

卞和得荆璞獻之以為玷當時不見信棄置同凡瑉任公釣

東海終歲無寸鱗。一朝乃大獲。厭足浙河濱。丈夫遇有時。屈伸理相因。黃金築高臺。青雲登要津。古來公卿貴。皆出畎畝民。兩生吾鄉彦。讀書非隱淪。白日辭都門。歸卧煙蘿春。努力崇進脩。人生豈長貧。

題蘆雁

北風吹葭。輕雲覆洲。渚萬里。雁門來。優哉此棲處。南州少霜霰。中田剩禾黍。大夫不用贄。虞人焉慕汝。

道傍杏花一樹盛開

碧草初出地。杏花紅滿枝。粲粲耀晨旭。盈之嬌路岐。稱我庭堦賞。植遠不可移。翫之未忍折。念當長育時。

舟次安山驛尚書蹇公奉

勅南歸僕與公素行。臨別情見乎辭。

同來不同歸。臨分俱慘戚。昨日別家情。何如此時劇。悠悠北逝川。杳杳南飛翼。天寒道路遙。相望恒相憶。

述古三首

胡儼

圖書出河洛。羲禹闡幽玄。列聖繼有作。人文日昭宣。仲尼感鳳鳥。至理寓微言。自從秦漢來。但見枝葉繁。寥寥千載後。漁洛探其源。紫陽具條理。垂裕啓後昆。前脩去已遠。來哲未有聞。瑰辭逞葩艷。寧復歸本根。

蒼姬既訖錄。炎劉勃以興。詩書煨燼餘。禮樂邈難徵。區區叔孫子。莫能致兩生。守文過謙讓。俗吏事章程。賈董失經紀。二戴紊遺經。遂令千載下。擬述徒紛爭。二儀有定位。八風無姦聲。公旦去已遠。萬世思典刑。

屈子變風雅。騷經寓孤忠。光華並日月。耿耿垂無窮。後賢襲

軌轍長卿得其宗招搖臨邛市放曠託絲桐淳風日以靡齊
梁更織穰遠遊謝紛濁超逸等冥鴻

雜詩四首

大化運無極四叙迭終始茫茫堪輿間萬物羅戢壽青陽振
其華玄冬抱根抵物理有盛衰人生貴知止謙光乃自卑上
善誠若水昧者徒紛紜達士甘窳孰云楚翹翹損者滿之
招

神龍絕嗜欲靜默歲深淵含和抱真陽珠光燭重玄一朝吐
雲氣甘澤沛九天夭矯煙霧中變化出自然孰知積精至造
化為控搏如何勞生者役役事多端豈復念終始宇宙浩漫
漫

倉庚鳴幽谷伐木正丁丁春風日載陽時聞求友聲若有一

介士榆楊稱達生對面抗高義中心恣以甲兵薰猶不同器由
椒轍見憎巧言實亂德羨色徒傾城嗟哉同心友獨立何桀
桀安得玉川子為爾著門銘

長松生澗壑矯矯抗丹霄根株蟠厚土雨露沃其條蒼翠太
古色超遙非一朝清風四時至白鶴千歲巢如何燕雀群喧
秋乃見啁矧彼山椒卉亦欲凌高標嚴冬霜雪降氣類各已
銷獨此歲寒姿青終不凋

秋懷五首

大火巴西下太白橫蒼蒼瑤堦泣涼露玉簟含秋霜冥鴻集
華渚巢燕悲畫梁物理有代謝人心徒慨慷何如廣成子憂
樂永相忘

草虫堦下鳴夜久猶未歇掩卷坐閨寒秋聲振林樾人生知

幾何憂來不可輟風吹浮雲開送我半窻月逍遙步前庭孤
螢自明滅

落葉走空堦涼颯度脩竹踈星澹長河日露下庭綠遊子行
未歸清砧動華屋感此悲歲年何由寄遐躡丹丘倘有期舉
手招黃鵠

東鄰有富姬窈窕豔粧束金縷錯舞衣錦衾爛華褥那知西
鄰文軋軋弄機軸終歲不下堂被服常不足

清尊有美酒錦囊有瑤琴酒以消離憂琴以暢微音涼颯天
際來颯然飄我襟拂絃試一鼓引觴還獨斟俛仰終永夕悠
悠千載心

長林書屋為學士胡公賦

金善

我昔遊青原聞子廬滄洲近瞰芙蓉山遙睇大江流繞屋植

嘉木門軒面良疇繁陰奪炎夏爽氣迴高秋庭除鳥雀靜白
日人事幽牙籤積架上縹帙盈案頭講誦窮晝夜奮勇追前
脩群言極探索小大悉搜求藏脩既有時俛仰隨一忻由朝入
倚窓竹夕覽登高樓援琴酌白酒盞聚朋儔拙毫落風雨
揮劔拂斗牛一朝齒鄉校戰藝即見收高舉薄霄漢遠覽帝
王州匡時展經術所志在伊周清華職論思秉筆贊鴻猷步
趨邇禁闥顧問紆宸旒侍從十五載荷蒙恩寵優美羊省系
梓偶得尋舊丘徘徊撫林木感歎泫昔遊滄波去濤浩白雲
日悠悠鹿門未有期小山不可留臨風駐遐想悵恍增煩憂
因之寄書畫聊復寫綢繆尚期返初服白首同歸休

辭劔書

楚平席僭偽任邪斥忠良伍奢既就烹子胥遂奔亡出疆適

吳會追者何大忙行行至江許欲渡津無梁邂逅得漁父哀
窮濟以統感此脫危厄解劔聊為償父也義不受長揖憎慨
慷嗟彼寰中人結交布周行刎頸誓莫逆笑談出肝腸一朝
嬰禍患變情非故常父也諒匪舊急難卹勸利害等絲髮
萬金一毫芒高風振頽俗百世仰餘光夫子尚志節撫卹不
能忘寫之置座隅懷古意何長斯人不可見三復涕沾裳

郊祀齋宿翰林東諸同寅

大郊屆嚴祀致齋玉堂署衣冠集寮案及此諧良晤焚香對
蒼竹促席坐深戶東風昨夜來塵雪消餘馥庭草抽細芽新
條發幽樹感此節候殊忽令鬢成素顧惟負簡陋撲椒慙虛
譽未能寡悔尤但恐辜恩遇幸茲同職業規益賴深助清談
夜未央澹然銷衆慮對越寔在茲寧敢忘祗懼將事期無致
庶以荅神祐

湖山佳趣為黃博士賦

屏跡慕間曠素有高世姿結茅謝塵鞅澹然心自怡湖光涵
几席山色臨書帷游魚戲文藻好鳥鳴高枝橫琴芳樹下澤
足清澗擘開樽酌美酒揮毫賦新詩緬懷百年內誰復同襟
期一朝際休運忽與雲壑辭薦書達名姓文采何陸離昨來
居大學橫經擁臯比群才資樂育講授忘渴飢出處諒不偶
隱顯固有時相期貴努力補報方在茲他年謝簪紱庶以慰
心思

酌泉齋為嘉靜吳負外乃弟賦

昔有吳刺史飲泉著清聲廉貪勵高節千載揚芳馨聞孫
淦曲結屋依巖扁青山列戶牖嘉木羅前楹流泉出砌下

碧湛泓渟齋居誦遺訓仰止思繼承白雲蔭芳潤皓月涵虛
明永日愜幽賞俯仰挹清吟一酌祛煩慮再酌怡神形三酌
沁肌骨頓使心目清匪茲樂澹泊寔以固幽貞嗟彼寰中人
胡乃獨營營沉酣嗜麴蘖夜旦了不醒視此酌泉者寧不畏
惕驚寒子慕脩潔清華邇蓬瀛幸茲遠氛濁漱滌瓊瑤英凜
然對冰雪朝夕懷兢兢誓旨堅晚節補報竭忠誠因斯發佳
詠聊以寄高情

六月廿一日立秋偶題

兩口風雨過滿目皆秋意開軒灑氣回入座涼飈至高梧響
蕭蕭鳴蜩方嘒嘒端坐閱寒暑令人發深嘖

題吳山五子胥廟

解縉

朝驅下越坂夕飯當吳門停車吊古跡竄竄林煙昏青山

上來勢若游龍奔星臨斗牛城氣與東南吞九折排怒濤壯
哉天地根落日見海色長風捲浮雲山椒戴遺祠興廢今猶
存香殘吊木客樹古哀清猿我來久沉抱重此英烈魂吁嗟
屬鏤鋒真尔國士寃我我姑蘇臺荆棘曉露繁深宮麋鹿遊
此事誰能論因之毛髮豎落葉秋紛紛

贈別

胡廣

驅車出郭門迢迢欲何之駕言向關隴指日西北馳朝登黃
河壩暮投洛與伊歷覽有古迹憑高多曠野由來賢達人壯
志在四隴焉能事局促徒負蓬萊為念子本超宕雅懷良不
羈所希在前轍離別何足悲

題程節婦卷

結髮誓同穴百歲以為期托身在一諾此情惟心知夫君既

奄忽妾生亦何為飛鳥有比翼樹木尚連枝嗟人秉靈性胡
能乖兩持一死信獨難義重復奚疑茫茫長夜臺皎皎冰玉
姿相見宛如夢精魂常侶隨

謁青陽先生祠

征艦泊渚前登皖城隅曠懷浩無際吊古重踟躕偉哉青
陽公文武足憲謨搶攘奠南服勁氣空萬夫百戰撫瘡殘六
載枕戈爰四郊轉多壘三復徒上書貯窮援兵絕力竭形勢
孤天步挽不回已矣夫何如慷慨盡一決取義以捐軀全家
萃忠節之死矢不渝精誠懸景曜赫赫凌蒼虛綱常振墮蕩
靡波障奔趨褒揚炫汗竹廟食悠龍舒大江逝滔滔令名胥
與俱祇肅拜英爽靈颺颺斯須淒淒涼西日下慘澹寒鷗呼企
孺仰餘烈攬涕成長吁媿羨巡與遠千古同馳驅

文丞相祠

丞相生異質挺特貞天人勁氣薄霄漢國亡以軀徇方當橫
犇日盡瘁任艱辛上書抗直言屢欲斬賊臣回翔沮蠹素
抱鬱難伸大事已云徂乃付秉軸釣降表夜竊出六宮竟蒙
塵嗟彼賣國者致公何狡魏萬死出虎口努力支蒼旻岿岿
走嶺海顛沛念君親鞠旅以勤王臨危焉顧身要俾將陸緒
再蘇垂絕晨徒手格猛獸胡馬正駢駢勢窮猝被執誓死以
成仁甚貴景輿膝豈憚弘範嗔悵望零丁洋歆濟遠遠澤天
高憐戢翼水涸悲縱鱗羈縲詎恤犴獄經數春采薇耻食
粟詠歌傷獲麟後容以就義慷慨怒目瞋辨論詞不屈厲聲
若霆震聞者皆吐舌為公却逡巡宋無不道君而無可弔民
大命屬更革皇路哀沉湮速死乃甘分苟生鄙胡虢所學希

聖賢臨死載書紳使公死仰藥雖忠徒荆榛使公死絕粒雖
義徒江濱天以公報宋亦以全公純良金堅百煉美玉燦璘
彩光明暴天下萬古終寡隣道增名教重志競日月新煌煌
忠節傳每讀必露中公胡歸帝鄉箕尾騎公神在地為河嶽
在天為星辰陟降在帝傍為雨為風雲豐年生百穀室家咸
溱溱

聖明啓隆運褒典昭儀文祠廟學宮傍歲時肅嘗裡重為事
君勸永以敦彞倫

幽居為劉氏賦

幽居近城府而無城府迹耕鑿樂歲時樵牧共朝夕鳥啼芳
樹深犬吠村巷僻乘間或杖屨有酒邀隣客掃石奠酸醢藉
草為茵席陶然忘外求所願非所適

過高唐州與幼孜入榆林中遊

沙漸行入夏津縣

古河屯遇一田家邀予二人飲意甚勤厚幼孜飲少
僕為飲數杯上馬而去

策馬度榆林行次古河曲河堤隱若城河流已不復下馬飲
古河逢人問鄉俗田家有好懷邀我坐茅屋為言家登菜分
丁屯茲陸居此成聚落歲久遂生育公家幸少事衣食恒自
足所欣達官至開甕酒初熟呼婦洗尊壘旋芻春分醪馨香
忽出戶浮蟻泛糟麴雖無散羞味羅案具蔬藪野人性真率
酬勸情轉篤殷勤慰飢渴餘以及童僕一見意氣豁豈能更
拘束質朴存古風不知禮繁縟與闌出門巷老少罄蹠跼相
送河上村徘徊佇延目

閩山白雲圖

李至剛

宦遊去鄉邑旨廿成久違終朝望閩山惟見白雲飛冉冉欲
高舉亭々復還歸流影發雲彩芳潤含晴霏何當染五色製
作老萊衣

題敏求齋

吳溥

人生天地間歲月能幾何厥躬匪自勵奄忽成蹉跎王生自
古雅力學尊丘軻齋居務時敏夙昔心靡他泉流始涓涓萬
折輸江河山基一實初終見高嵯峨昭然群聖言萬象同森
羅求之諒非難所貴工磋磨溥昔少年時結屋南山阿讀書
期有成誓不隨頽波及今向華髮愧負初心多寄言謝王生
我詩須咏謔

送人還廬陵

來時梅始華歸時梅已黃送別臨江頭別懷江水長君家廬

陵西我家臨汝湄平居扣借問為寄長相思

題金華宗原常雙溪洗藥圖

洗藥臨溪頭水流溪尾香居人飲溪水百年躋壽康石路曲
盤蛇山花如錦黃日暮携藥歸香風滿衣裳

送人還江右

凍雪春始晴楊條未堪折把酒送君行匆匆與君別君別幾
時來來時開我懷青雲共談笑高步黃金臺

戲筆奉寄歐陽貳令

昨日到監前如何不相過我病公復老眼中能幾箇有酒須
共飲有詩亦同和懸榻待重來寧辭夜深坐

題嚴吏部聽竹軒

峩峩構層軒篔簹種脩竹晴色入簾幽涼陰覆簷綠羨彼軒

中人消閒絕塵俗公堂退食餘時間
憂蒼玉鏘然鳴復止
瑟斷還續清如秦文簫怨若湘妃曲
又疑海濤翻天外
濺飛瀑錚錚響金鏡
軋軋動重轂
須臾忽大作雷雨震山谷
深林獸奔駭高樹鳥驚宿
凭軒歎息久月色皎如燭
萬物固如斯動極靜
迺復秋高夜沉沉清賞聊自足

寄樂分貞素二友

故人久不見新夏倏已臨
林雨留宿潤庭槐
匝繁陰昨夜夢故鄉
歡然盍朋簪青燈共酬酢
耿耿論夙心覺來遠相憶
愁歎日以深何由命吾駕
千里遙相尋

望嶧山

鄒緝

泛舟度清濟東望鄒嶧山
遙遙青霞峰明滅煙霧間
石厓上突兀峭壁高
噴吼魯邦峙岱宗
茲山獨相連孤桐生其陽
古

刻在其巔名標史籍中
事出秦漢先至今萬代
後遺跡猶見存
憶昔初經過瞻望不及攀
俯仰三載餘復此開心顏
靈蹤尚未泯白雲時往還
我欲登絕頂凌風散羽翰
縱覽今古內曠然超人寰

即事

月上碧天高夜涼清露重
獨起推蓬看風生寒波動
兩岸蘆聲急一川煙景微
忽聞棹歌響驚起白鷗飛
蕭蕭岸葦黃激激江波白
靜夜不成眠起坐看明月

歎揚花

輕盈不自持歷亂隨風起
朝逐上林飛暮落東流水
素質徒可憐貞心不自擬
感此懷益深歎息殊未已

冬日扈從還南京隨駕出麗正門馬上作

曾棨

朝隨六龍駕遠別黃金臺萬乘出都門旭日淨浮埃翠華正
飛揚玉輦後天回羽林羅猛士夾道馳雲雷回首望玉京城
關八海水向東流西山鬱崔嵬上有五色雲垂輝映蓬
萊壯遊愜周覽欲去仍遲徊策馬天仗間宿昔長追陪古來
詞翰臣豈但鄒與枚至今百世下聲譽揚九垓

三月二日舟次開河同胡祭酒鄒侍講登岸散步長林
曠野中乘麻翁然因至田家各賦一詩而去

芳晨藹新霽旃楫長河曲捲茲丘園趣褰裳涉平陸郊原渺
空曠竚望舒遠目村中夜來雨土脉高且沃茆廬鷄犬靜日
出煙樹綠牛羊散平野隔水見樵牧交深雉初雊乘黍已
浴老翁多歡顏生事亦云足偶茲一留憇幽境愜所欲僕夫
或前征迤邐出林麓緬想塵外踪於焉恣遊曠

乘化室為晏僉事彥文賦

李時勉

蟄虫坯戶隙寒雀入海底不見煉丹砂安得長不死榮榮陌
上花飄忽隨流水浮雲知所歸飛蓬逐風起吾生亦何為乘
化如脫屣愧彼孟嘗君空悲擁門子

耕樂

守拙不用世獨分山中居原田繞林麓自能把鋤犁春耕秋
始獲食力寧厭劬種桑南陌上放犢東城隅蚕絲既有望廩庾
亦有儲上以輸官稅下以給妻孥俯仰幸無匱取適不願餘
雞豚滿眼前酒熟焉用沽興至時一酌隣舍更相呼醉來忘
日夕擊壤歌唐虞

送王御史貴莊

高堂何崔嵬翠栢相蔽虧柯葉鬱亭亭凌寒發華姿于時送

君去臺樹生光輝清風吹別袂旭日明繡衣晴雲逐高蓋遠見祥鳥飛玉駟帶秋色白簡肅霜威譽謬在言路不負夙所期文才更誰似冰蘂諒自持行矣保終譽以慰長相思

元夕後一日士賜開宴王侍讀宅得積字時親朋畢會密

雪驟至意洽情真不覺至醉浩然成詠

正茲暖律回况爾值元夕良辰得休暇勝賞隨所適故人有高致開宴藉幽僻繁迴西城隅弘敞王猷宅雖微山谷遊而絕塵俗跡到坐盡英賢諧笑匪狂客密雪忽飄洒中庭皓盈積醉來不知寒清光滿瑤席豈惜歸途艱為喜見三白逍遙樂清時相與歌

帝德

金華陳氏宗遠嘉會堂

勝地敞華構前峙金華岑經始諒由昔踵武還自今楚楚堂中人逍遙遂閒心良辰啓芳燕歡會情何深酌以金屈卮奏以綠綺琴載歌伐木詩雍雍有遺音芝蘭散餘馥桃李敷繁陰永言繼前烈因之播清吟

扶風竇滔妻蘇氏為寵姬趙陽臺所讒滔絕蘇氏久之乃織錦為回文滔覽之遂逐陽臺而還蘇氏余感蘇氏之善諷滔之能悟而由其正也特為賦詩七首以達其意云

深閨有思婦慘悽亦何為容華不自惜獨理流黃機昔者成匹帛多裁遊子衣衣新忽變故恩愛從此衰以茲慙懃意翻作長恨辭

蘭茝被幽畹桃李媚春陽新昏結綢繆繫衿散芬芳棄置父

母歡婉婉君子傍白日麗鮮服朗月澄清光矢心以自固願
為鴛鴦與鴛

西墅起高臺迢遞憑雲岑中有嬌艷女當牕弄清音
以肆居然變同心魚目奪明月讒口銷黃金不見冀中饑惻
愴屢屢吟

高車擁旌旆輝映漢江曲富貴一朝異窈窕辭別屋含笑落
日遲浩歌湘水綠山川不可踰安得遙相逐佳麗誠足珍涼
薄難見錄

滔滔江漢流到海不復返千里得所歸中復厭婉婉在昔枉
綏授駕言不辭遠誰知三周御却道羊腸坂芬芳空自持白
日忽以晚

昧且不能寐攬衣起徬徨織繡與織素誰復知短長只尺組
期音所允

別久意恒親覽辭念愈結巾車適千里倏忽已超越鳴琴諧
石調恩愛感離闊夙心諒所負慙歎對明月瞻言固終始皓
以相悅

輓倪郎中維哲

忽遺榮往跡不可求暑雨洒高柳颯然涼如秋飛鳥為
我悲停雲為我愁行道亦悽惻情誼况綢繆感愴念疇昔淚
烏能收

志喜詩為南康守林士敏賦

海際開運

皇風自清穆台鼎列碩彥外治資明牧自非龔黃儔空致蒼

生毒伊人抱奇才。剖竹守南服。撫字忘勤劬。德禮反淳樸。雨
露既已濡。日月方向燠。螟螣滿東臯。怨咨接平陸。撫心自無
怍。顧此亦何速。持誠銷金石。脩正弭災酷。果然愜所祈。亦以
諧素欲。翔蜂集官署。蝗銷秀嘉穀。微物相往來。豐歉茲可卜。
豈伊感化工。信乃徵明淑。馨香固有在。黍稷焉為馥。清芬播
以遙。循良絕方績。媿茲樗散材。敢諷絃歌曲。

送呂僉事升常

朔風吹喬林。落葉聲蕭蕭。冥鴻飛不度。驄馬行獨驕。繡衣帶
恩光。赤日麗層霄。鳴珮別双闕。驅車上河橋。嚴冬氣已厲。送
君寒更饒。遙持薊城酒。聊以永今朝。浮雲澹緬遼。關河鬱迢
迢。別促會日難。何以慰寂寥。

壽蹇少師

南極耿銀漢。長庚燭璇霄。祥光啓華誕。百物同宣昭。幡幡國
元老。碩德冠時髦。名位重三孤。寵眷隆四朝。降神儷周宰。熙績登唐堯。股
肱協聖心。日荷皇言褒。五福自天錫。壽與南山高。雕盤奉丹棗。綺
席堆金桃。願言祝遐齡。齊彼松與喬。

送孟潛揚先生教授邵武府學

尹昌隆

理棹辭京都之官。越閩嶺。樵峰渺何許。川途邈。脩永霜雪
歲暮繁朔風。吹雲冷嚴程。既難滯。別思當自領。清波漾寒色。
孤帆明夕景。已過落星灣。還望杉關境。橫經守清秩。郡教知
獨秉。遙想諸生徒。有待一開省。

述懷呈瀏陽邑教周貞

梁潛

茅屋過疎雨。靜夜聞江聲。倦來不成寐。惆悵萬里行。更闌燭

屢換酒濁亦復傾。偶然洽歡好，遂忘羈旅情。平明出門去，還望南山清。

○壽吾處士六十 吾紳父也

三衢有佳士。六十髮未蒼。瀟洒林壑趣。脫畧名利場。我欲一見之。萬里限河梁。清晨望南極。高高吐輝光。側想華堂開。賓親俱在傍。瓊鮭列芳俎。綠醕湛瑤觴。清歌相徘徊。妙舞亦揚揚。詎云玩芳時。且以祈壽康。楚楚玉樹枝。翹翹晞朝陽。何以致遠颺。三壽如高岡。

古松流泉皆為學士楊公作

絕壁何岩巖。下有太古松。飛泉漱其根。交柯凌蒼穹。颯然雲氣合。往往歲蛟龍。千里起暝色。萬壑來長風。高堂忽見之。令我心抱融。何當采茯苓。服之形神充。五粒如可種。千歲當還童。

童

憶東里

斜景媚長川。水光粲迢迢。倚窓恣遐覽。涼颯颯然至。黃花亦已芳。幽香忽盈袂。頗懷東里人。簡曠有深意。萬里苦乖違。三載勞夢寐。佳會云邇中。情益翹企。

送蕭孟恒御史按廣東道經故鄉因託致書于家賦

二詩送之

豸冠何峩峩。繡衣亦煌煌。晨興出都門。攬轡臨周行。使節豈不禁。况乃還故鄉。層樓俯丹谿。佳樹含秋芳。賓親遠近至。列譙湛霞觴。涼風夜來起。露下忽沾裳。諒無凌風翮。遙望空彷徨。

送人念先歸惆悵萬里懷。迢迢薊門道。通衢蔭高槐。草綠露

已盈引領中腸悲高堂有老親髮白容顏衰歡娛在夢寐寧
知是別離芙蓉水濱發鴻雁雲中飛枉轡一惠顧致我纏綿思

訥庵

曾鶴齡

世人汨流俗靡靡尚多辭讒口變白黑滯哇迷是非豈知古
賢哲所戒寔在茲喜復白圭篇愁誦蒼蠅詩忠信我所敦淵
氷恒自持寡嘿恐致矣講張可復為冥思尼父門達者當誰
師賜辯不足矜顏愚誠足希

善慶堂

籛金以遺後易散難長存積善有餘慶施及雲仍孫以茲方
寸內惟知道義尊餘外總浮幻棄置勿復論坐閱庭堦前
種蘭與栽培深根本固滋厚華葉繁即此以自況庶契大易
言何憂垂後昆不似于公門

羅知州之交趾分韻得北字

惆悵盃酒間踟躕衢路側邈別情所難况君遠行客行客適
何許南交乃絕域山川阻且脩匹馬獨登陟丈夫四海志萬
里猶咫尺辛苦諒不辭所思在明德俯視川從東仰睇星拱
北還朝會有期側佇聽消息

鄒知州致事

飛飛雲間翮日夕投高林幡幡宦遊士莫景遄相侵豈不戀
明時少攄分寸心秋風吹短髮已不勝華簪拜辭出金門踟
步還沉吟

周秀才將外舅喪及外姑還鄉

渺渺川河路迢迢關塞程朔風秋正寒鴻雁方南征之子念
外感激烈悲中情既負朽骨歸復將孤子行辛苦百不辭非

為利與名世有薄俗者循已忘父兄憂患不相顧何以託死
生聞此或感悟幡然中有更

東山挽梁紀善本支

魯邦有東山崒起高巍巍儵被昏霾掩不復生光儀居人失
景仰行者焉歸依安得廣漠風鷲地為狂吹重陰斂散盡截
業重見之截業不可見佇立增愁思慘惻腸內傷淋浪汨交頽
題楊郎中寧公勤堂

誥章出

宸極褒語兼公勤雲錦生輝光斯義豈虛文始君奉
命去參謀朔塞軍運籌帷幕間千里祛妖氛及還既獻凱復
征黔水濱才畧展中襟良亦著功勛歸來情不言名聲自上
聞服此殊寵加超超迥卓群世豈無壯夫有覲徒紛紛願君

尚顧懷永言副所云

蓼莪菴四首

余學夔

涼風颯以淒浮雲蕩無涯螻蛄俟秋急春華已無滋感茲動
中曲悠然興我思

我思亦何由悲汨應心流念彼泉下親一往不可求容音邈
難遇能不增煩憂

煩憂令人勞怨彼風木號栖栖無所託蓼莪已成蒿至恩諒
難辭漠漠蒼天高

天高不可極歲月還蹉跎逝者益易踈生者其奈何淚流漬
胸臆忽忽將成河

玩易齋

冬至陽氣應仲夏陰始臨陰陽遞往復寒暑互相尋伏羲探

元化易理何其深奇耦陳卦象入聞宣至今彖文本周辭造詣
何駸駸仲尼續韋編斯道寔所任諄諄伊川言明明康節吟
卓哉朱夫子衆理會其心後賢續遺緒鑽仰競光陰寄言來
學者視此瑤華音

自勵二首

王英

圓圓匣中鏡皎皎流素光鑒物無遁影妍媸安得藏經時苦
昏翳游塵漫飛揚顧此三嘆息胡為失其常拂拭去瑕垢精
采復煌煌衆污不可染持已貴自臧恒當慎夙夕惕然以自防
歡多苦必至愛冷恩易踈明者達深慮志在慎厥初宅心貴
沖視有當如無持循勿改轍榮辱乃殊途鄙人肆僥倖百巧
競相湏揄揚固可尚詡詡終何如傷哉衛彌子竊駕非自愚

雜詩三首

人中多嘉木枝葉相蔽虧上有雙飛鳥朝出暮還歸和鳴相
顧盼乳哺得所依如何遠遊子泛泛東復西昨來京洛間今
赴北海涯迢迢歷崇坂車輪行且遲垂堂古所戒寧不悲路
岐私懷諒勿念但悲歲月馳顧此三嘆息良會在何時
秋月流光彩照我西南園露華含餘滋衆草萋以繁草間多
鳴蛩竟夕何喧喧閨中有佳人俛默獨無言豈不興遠懷念
彼君子思昨朝相燕婉今者隔塞垣飛鴻失其侶嗷嗷徒高
騫顧盼失形影中心誓弗護願如團團月照君車上轅
清晨登高丘迢迢望郊郭連山起層甍焜燿皆丹雘歌吹一
何繁車馬日聯絡翩翩遊俠兒姿態紛焯約輕裘巧粧束珠
貝相間錯侈心儷金張壯志凌衛霍豈知幽閨中居者恒寂
寞掩形無完衣充飢有藜藿貞心一自厲容色日銷落塊然

獨貴豈甘為衆所薄

袁太常閑居詩次少師姚公韻

志士何矯矯心與浮雲期若彼丹山鳥攀籠安可羈名雖領
華秩跡已謝黃扉守道為全璞先幾乃知微永諧平生友皓
首以同歸四休遂深契五十諒知非誰當繼三益我意終無違
哀義士詩義士姓周名益其兄當謫戍邊益慷慨代
行至崇明卒人哀之題其塚曰義士

步出崇明城遙望城南里天寒飢鳥啼日暮北風起白楊何
蕭蕭衰草生故壘傍有三尺墳壘此千載士昔時從戎馬一
身赴邊鄙但全手足愛百戰何足畏崎嶇越關山辛苦乃云
逝傷哉有斯人薄俗誠所愧遺風何凜然聞者皆墮淚

扈從至中都

長淮日東馳衆山驚西北重城壯且麗飛觀高百尺

聖祖昔臨幸玉帛朝萬國酒酣歌大思天威何赫赫今我
神武君昭哉嗣宸極鑿輿斯蒞止祇后森衛翊匪徒事逸豫
弘亮大孝德寵禮加老倪溥及動與息重光益宣朗繼美諒
無斃所慚載屬車深抱素飡責興言頌王猷賡歌思戒敕

秋暮田野有作

郊野肅涼颺晨朝溢霜露驅車向高原偶然過田父喜我相
經過坐我茅簷下論談未移時長跪自陳訴區區鄙野人衰
朽誰復顧一女嫁遠方二方在邊戍力耕以自供晨殮夕無
措未知身死日棄置在何所幸逢

朝廷恩優詔免租賦嬉游且自娛聊復保朝暮聽言忍悲憤
賤子愧尸素三時飽大官累歲佩華組豈公田野翁老大益

辛苦

大祀南郊詩

國典昭大祀精禋戒首正紫壇廓清肅金枝耀日煇犧牲既
在滌玄酒亦芳馨郁郁燔烟舉皇皇鐘鼓鳴衣冕嚴對越多
士肅祗承帝祚儼在上来享助百靈真陳秩有奕禮備斯言
戒宸心益豐豐列象垂冥冥陳詩詠我將頌德仰
聖明

送少傅建安楊公扈從巡邊分韻得禮樂二字

治世昭武威時巡重邊鄙高秋顯氣澄吉旦九門啓龍輿斯
啓行禱牙肅成禮亮賁前百萬旌旆亘千里伐鼓鳴金鉦灑
灑北風起惟公實師臣機務皆寄委承

恩扈仙輝豈但親黼衣安邊富謀策至化濟燮理

迢遙雲中城邈迤連朔漠鳴鑿既蒞止將上何踴躍望風款
戎虜入夜無警折閱武因大蒐軍聲震山岳公惟効勞勤參
贊侍帷幄獲禽酌大斗萬衆胡不樂鳴鏜復吹簫競奏軍中
樂緬彼車攻詩歌詠當繼作

題胡氏壽軒

周述

人生會有期斯理迺其常百年能幾何迅若流電光彭聃孰
云壽奄爾之何方自非金石姿年命焉得長茲山是靈秀遂
此卜幽巖脩短任大化奚必較存亡窀穸為我宅泉臺為我
鄉達識有如此可以齊蒙莊

玩秀軒

華軒臨清流秀色堪攬結霞影相蕩漾波光互明滅花飛渡
頭春帆落洲上月縱觀心目超靜對形神悅應共滄浪人濯

纓笑予拙

黃孝子詩

盱江黃孝子至性由天成兵亂母竟失幼小方五齡稍長每
追憶五內為之崩遠尋渡江淮豈憚萬里行辛勤四十載奔
走跡不寧一朝汝水傍相見豁深情所嗟髮已白但喜顏尚
頽親戚盡歡慶里閭咸歎驚詠歌信不虛孝行乃見旌遂令
盱江上永世揚芳馨伊誰可與並豈愧壽昌名

轉蓬

疾風吹轉蓬去去何所止一與本根離飄飄將萬里男兒既
墮地出處每如此嗟我南北人驅馳在官使漂泊長若斯何
由返棗梓

過孤山見家姊

我姊母所愛少小深自藏頭戴金玉釵身衣羅綺裳盛年嫁
夫婿燕爾值時良一朝遭世變零落在戎行辛勤力衣食艱
苦事耕桑所嗟素孱弱安能涉風霜骨肉各分散會合安可
常睽違二十年慨念寧能忘昔別顏尚渥今還鬢已蒼夜語
轉悽惻啼號泪盈眶况茲同氣親寧不令人傷躊躇未忍去
歸颿欲飛揚須臾兩决絕沉痛割中腸安得共朝夕以慰長
相望

重聽翁

張徹字士瑩号退軒新
陰人吏部郎中

堂堂八十翁老氣何英邁目力尚精神耳力早衰退良由聽
不聰自分等聾聵雖為世所嗤不足為心害人生那免此何
用增歎慨古稱舜禹聰神化今安在但願天與年眉壽日以
介高堂酌春酒懽宴及朋輩甘旨足養高歲月任遷代萬事

紛如雲。付之耳輪外。

南箕樵者

戴仲才

巍巍南箕山。上有採樵者。日午坐松陰。一曲松陰下。悠然忘世情。音韻自風雅。柯爛幾何年。欲和聽者寡。

和黃季倫遊毛公山二首

毛公何代人。留名千載下。來往此山中。白鶴騰空跨。世人覓其蹤。默然思玄化。飢來採靈芝。觸手已盈把。

寒衣飢來餐。所適常自足。每懷方外人。自向山中宿。夜吹白玉蕭。時歌紫芝曲。俯仰天地間。往來無拘束。

容膝軒

李禎

一室塵如斗。堆床置琴書。耕讀得閑暇。兀坐心自娛。天光在甕牖。席明掛繩樞。已忘朝市榮。聊依野人居。環堵本隘陋。於

我信有餘陶。然俯仰間。八荒在庭除。豈但一榻外。六合真吾

廬。即此自寬裕。廣廈空渠渠。

梁處士挽詩

涼飈振庭樹。殞星當前除。伊人此遐逝。歛衽歸玄廬。翩翩丹旆揚。祖行在瀕史。衣冠閟重泉。體魄寄荒墟。浮生雖有盡。令德諒不渝。沒世苟無述。百羊復何如。架鴻漸遺烈。千載與之俱。

○ 凝影贈形

大山生萬彙。繫人最為靈。云胡浪自苦。馳騖跡靡寧。化機有恒運。疾急弗暫停。適見方紅顏。鬢髮忽已星。人身非金石。終當歸沉冥。不如學神仙。服石煉尔形。君我兩無壞。永共天地齒。願君取吾語。日進參與苓。

○ 形吞影

有形斯有影。物理固其常。我行爾必偕。我息爾乃藏。豈但相
依附。實此同存亡。學仙非無術。却老亦有方。古稱彭聃黃。其
壽邈難量。於今竟安在。孰是長生鄉。多君為余勸。茲道終杳
茫。參苓且嘗止。莫若啣五觴。

張節婦

昔與君結髮。綢繆百年期。奈何屆中道。而有死別離。相從固
云易。九殞分所宜。殘喘匪自惜。呱呱誰抱持。姆氏夙有訓。敢
或違天彝。明明夫子魂。泉下諒有知。少為張家婦。老作張家
婆。先姑炳遺烈。誓欲與等夷。他年樹雙表。大字旌門楣。

松石閒意軒

夙有山水癖。已忘天路遊。屏跡衡門下。愛此松石幽。青松蔭
我屋。白石臨溪流。逍遙曳藜杖。撫玩舒煩憂。老農解吾意。負

榼遠見投。忻然笑相會。且共飲數甌。倦即憩石坐。時還撫松
謳。盡此一日樂。明日非吾謀。醉眠松下石。孰為此生浮。

題雙燕寄表弟陳安行

君家唵溪北。我家郡城西。君家梁間燕。我家梁間棲。我從出
鎮來。寒暑又三變。不見故鄉春。惟見故鄉燕。挈家古城邊。寓
家汴河湄。燕識主人心。相隨不相離。念君千里隔。見君幾時
得。欲令燕啣書。飛歸到君側。君能弗吾棄。為理白雲莊。願言
共君老。看燕雙飛翔。

藏書室

周忱

素性昧生殖。貯儲維簡編。群經既並蓄。百氏無棄捐。所至每
充棟。來往勞車船。及茲獲安居。插架牙籤懸。寓目自忘倦。課
孫猶拳拳。豈徒事佔畢。對越希聖賢。

凝嵐軒

開軒面東岑遠近羅群峰峰頭有嵐氣旦暮生晴空映日飄
几席因風媚簾櫳幽人樂宴坐極目開塵胸青林墮濕翠白
鳥穿溟濛支頤每自適清樂誰能同

愛蓮軒

嘉卉比君子亭亭植清池出汗色不染過雨葉更奇我家瀟
溪翁自昔偏愛之後人豔種之益蕃滋碧筒或送酒適
意還題詩酒香遠逾好每與南薰期

多稼亭

我家在田里早習耕與鋤頻年飽祿食揣分慙農夫乞歸理
先業棄壤成膏腴秋來稼初熟藹藹黃雲敷登場未溢庾先
擬輸王租所希食其力敢憚四體劬

送子宣

我家白沙渚君住桐江頭我家門前水亦向桐江流我行為
客久十載兩京留昨來過彭澤一泛南湖舟瞻望故鄉水裏
情思悠悠况此故鄉客同宗復綢繆去家六千里相見薊城
陬見君令我喜別君令我愁君歸桐江上為我報汀鷗乞身
在旦暮忘機共優游

徐州過桓山知是宋司馬桓魋之墓

愚哉宋司馬仲尼安可輕欲害其如何不知天所生此山昔
葬骨廢穴尚留名宿土消飯舍飄風散精靈日中狐兔集夜
半鴟鴞鳴當其崇建時久遠勞經營增城萬夫集石擲三竿
成詎知百世下牧豎來縱橫樵採既不禁行路誰留情君看
孔林樹千古猶青青

夢親堂

人心晝所思夕暮形夢寐感通在積誠默默恒相契憐君七
尺軀失怙自童稚庭訓不及聞甘旨何由致昨來薦蘋藻煮
蒿格誠意音容接彷彿綵服疑趨侍鷄鳴恍惚間枕簟空流
涕羹墻與手澤觸目多悲思夢時此心存夢覺心豈異永懷
罔極恩欲報知無計勗哉期立身顯揚紹先志

史節如

淒淒霜露零杳杳鸞鳳杳嘶嘶襁褓兒慘慘床帷夕長嗥白
青冥所天成永隔蜀月旅觀孤吳雲故山迤險歎固多虞生
死寧復惜迢迢履道途艱難構兆夢豈惟倉卒間歲月終感
激晚節力在今矢志良自昔礦石尚或磨精金猶可革此心
比金石千古終不易

漁村晚照

西岑瞰斜日滄波散晴霞返照在汀樹依依歸暮鴉漁翁已
收網沽酒來東家

洞庭秋月

風清白露溥水天同一色娟娟玉鏡懸皎皎金波溢推蓬望
君山廣寒應咫尺

平沙落雁

隨陽離胡天作陣投沙渚影橫鄂浦雲聲斷衡陽雨水國饒
稻梁哀鳴竟何苦

瀟湘夜雨

滄江晚來雨恍若銀河傾千山擁暝色萬竹飄零聲蓬牕有
遷客淒然百感生

商山圖

黎充輝

臨江人

霜顛四老翁冥栖不出谷
白日掩巖扃陶情對碁局
天邊飛鳥還洞口孤雲宿
一曲紫芝歌冷冷落林木

○金谷園

劉士皆

秦和人河南按察副使

金谷渺何許邀在洛城闈
借問作者誰晉代石季倫
念昔初建時氣勢亦何殷
寸金買寸地豈惜寶與珎
園池極侈麗臺榭窮奐輪
但恐已樂違寧顧閭里貧
遙步錦障錯襍綵繡紋
屑沉試輕體燔蠟代為薪
翠釜出駝峰玉盤薦猩唇
醉揮鐵如意珊瑚輕若塵
平生知己友二十有四人事異各已去
伊誰仍見親賴有墜棲妾感舊情
殷勤誰能効微節寧復免尔身
倉惶死生際徒發奴輩嗔
始知財為害悔不早散分豪
華久淪謝豔跡俱成陳
唯餘園上草寒草伴宵燐
我來

過駐馬立出加榛俯仰重裴徊感慨臨風頻

○夾在竹營

胡雛運已以記猶自憂生民
焚香每祝天願早生聖人蒼蒼聽
不遠輒復臨登其真遂令趙點檢出誕
應昌辰神光已照室異香亦氤氳
以知龍鳳種不與常產倫
愚哉周世宗猜忌亦何殷
方面每見殺優容獨殷勤
一旦真命歸黃袍忽加身
裴徊陳橋側飲注意遂巡大綱一以正
頽俗再還淳悠然方寸間
同一天地仁堂堂堯舜位而不私丹
均謹授太后教傳之手
芝親孤寡已蒙卹保全及功臣有命任
不禁微服行乃頻如
何燈影下奔柱聲忽聞
共保富貴言竟尔成謔
諄大内已陳迹
夾馬名猶新作詩紀本末聊補史闕文

○銅駝巷

漢所置

古陌名銅 駝蒼茫滿荆棘 駝亡知幾年 猶自有陳蹟 想其陶
建初正當 漢盛日盡銷 天下兵乃足 資融液煽鞠勞 鬼工呵
護煩神力 一瀉遂成形 儼與生駝匹 崔嵬兩峰高 俊拔千金
直有時夜 嘶風萬獸猶 辟易鼎湖龍 已去中原鹿 再失區區
一臭金班 復重愛惜我 昨一經過尋踪 空太息 駝弓如有靈
好共金山泣

○ 二八津橋

洛陽天 津橋乃是隋所造 煬帝久已亡 斯橋猶自好 云昔初
建初督 役苦凌暴 萬姓困莫當 妻孥不相保 釁石皆膏脂 塗
地總肝 腦雖能不日成 未免逆天道 自後登綵舟 甘向揚州
老橋上 雖繁華龍輿不復到 民力日已疲 國用日以耗 空餘
江與梁 縱橫走群盜 吁嗟煬帝心 何事太顛倒 人意既已離

安能違天討 洛河日夜流 波聲漫浩浩 似有哀痛音 怨君苦
昏眊 我來數經過 臨風亦嗟悼 何必聞鶻聲 自然傷懷抱

○ 獨樂園詠古摘記中語成句

憶昔司馬公 罷相退居洛 買園向洛城 命名以獨樂 平居此
讀書聖賢相 唯諾上窺仁 義原下探古 禮樂自始有 形前暨
達無窮末 事理孰精粗 物情孰美惡 一一網羅之 咸使歸囊
橐 否者即見遺 可者無不學 釀郁任沉浸 英華任咀爵 豈不
使有餘博 則反之約 有時志體疲 適意恣洒落 或投竿取魚
或執衽采藥 或決渠灌花 或臨流盥濯 逍遙復徜徉 無入而
不獲 瞻茲霄壤間 塵累總紛錯 視此果何如 太山一糞粕 名
園雖已荒 山水猶自若 欲與公執鞭 九京安可作

安樂窩

堯夫安樂窩乃在洛城隅山水既明媚草木亦紛敷當其生
存時于焉此閑居每際風日和花下乘小車從容恣行樂曾
不輕越起平生精理學盡在經世書風霆受鞭駕日月反被
驅或吟自在詩邀壤歌嗚嗚或飲歡喜酒弄丸以自娛人間
皺眉事何嘗知有無優游以終老舉俗誰能如其人雖已矣
其址亦荒蕪尚遺高風在邈與天壤俱我生粗知學仰止心
煩紆何當起公游為我開蒙愚

○ 杜康宅

杜康有故宅洛陽城西臯宅廢人已往空餘石酢槽槽旁有
古井香泉流滔滔至今人汲釀展轉費桔槔古有儀狄氏作
此心甚勞大禹始飲之輕棄如鴻毛云胡百世下尔術尤更
向并藥苦糜爛草木困蒸熬河中取棄落中山製松醪洞庭
醞柑摘大宛煎蒲萄遂令謹厚士化作兇儉曹充池或以酒
築臺或以糟臺可望十里池可容數艘以茲俗相尚顛倒肆
粗豪敗亡由繼見節義誰復搽我生重懷古感此心醜醜吁
嗟乎杜康爾醉將焉逃

二程先生墓

孔子去我遠道喪向千年不有豪傑生孰能續其傳上天垂
眷顧哀我下民顛盡鍾嵩洛秀產此兩大賢當時周春陵風
月已無邊一見即契合授受如轉圜異端賴以息正理賴以
全至今百世下皎如日星懸我生苦愚昧慕道心拳拳停驂
謁墓下再拜思凄然

○ 耆英堂

文潞留守時富韓方釋位構堂集洛賢作此耆英會于時十

三人人人總名貴鬚眉既皓然衣冠亦甚偉每當風景妍車
騎輒駢穉都人競隨觀自以後為媿吾嘗慕其人仰之若巨
見恨不生同時殷勤為擁篲堂空已多年苔蘚失遺繪仰止
重襄徂臨風起長喟

范文正公墓

范公天下士意氣隘九州平生一片心未嘗為己憂自從參
大政廊廟多謨猷胸中百萬兵往往震藩酋為政尚平易所
至民歌謳立祠畫公像無間去與留俸賜有餘資恤匱力不
休廣置義田宅豈惟輕麥舟斯人已淪謝遺塚尚如丘停膠
躬拜謁仰止思悠悠

遠游篇

管時敏

御風日萬里逍遙登遠遊鍊身青真表瞬息四顧周目力隘
八極壯志局九州泰山小封堦滄海眇浮漚俯視瀕洞間萬
彙等蜉蝣浩歌挾洪崖長嘯訪浮丘迴颯欵閭闔謁帝十二
樓酌我紫霞觴遺我壽鴻棗授以長生訣歷劫二千秋從茲
謝流俗大塊同悠悠

二隱寄

溪上放舟迴山中負薪暇一笑偶相逢於焉遂清話寧知有
秦晉况復論王霸回首總忘機青山夕陽下

秋夜

不寐耿長夜攬衣徒歎歎陰虫吟近砌涼颺動踈幃素抱殊
未釋清懽念多違豈惟南飛鵲茲夕無所依

寫懷

朝迴憇公館殘陽坐來暝踈雨過高林華月出東嶺流光晨

復哺朱顏豈吾永故園歸何時悠然發深省

曉起

直館曉晴初宮清遠塵俗怡然對簡編度矣忘榮辱迤峰擁
歸雲高城澹微旭落盡凍青花江南雨新足

和吳教授晚泊大信阻風

樓船遡流上高帆阻長風大江浩無際一氣何鴻濛回皇天
門山峩峩相長雄洪濤走其下屹立西與東不有浮海歎豈
無濟川功大鵬度寥廓斥鷃守卑輦物理固有定世事徒匆
匆張燈啓華筵一笑杯酒中

齊宿述懷二首

周叙

北風凜寒汨歲事修已殘偕我二三友齊宿此盤桓言談雜
今古傾吐出肺肝秉燭屢易換不知清夜闌豈伊朋情洽所

貴忠赤殫屏營不能寐常恐愧素餐青青庭外柏奕奕架上

蘭芳繁良自媚後凋堅歲寒

獨寢不成寐攬衣起彷徨動茲二親感沉痛迫中腸仙塋渺

迢遞宿草今荒涼深恩念鞠育薄宦慙顯揚流年變容髮祀

享違丞嘗進無補報私退乏勇決良浮生竟奚為流涕忽沾裳

送宗叔子宣南歸三首

久適棲遯志曠然寧遠遊緬彼兩京路山川邈悠悠所思在
萬里豈必戀以立金臺古形勝官闕壯

皇州西接太行險東連滄海頭車書混萬國禮樂彌遐陬歷

覽愜真之寧嗟歲之流

薊北之早寒河水之莫測顧茲歲年晚惆悵有行役驅車出

都門之為言還鄉域鄉域久別離高堂頭摠白念此熱中腸淚

下長沾
憶我辭故園歲華今幾除青雲忝科目藝苑慚文儒緬懷同
姓好親愛日已踈如何恆良晤握手重踟躇青燈慰疇昔酌
酒聊歡娛願念水木情本原同一初豈彼行路人悠悠不我
俱明發即長道中情紛鬱如還我倘相憶早寄平安書

辭別二親

平生有仕志不解兒女悲茲晨出門去各復傷乖離所思別
雙親萬里將遠違再拜辭膝下涕淚交兩頤去冬在京國父
書累見貽為言老母病衰羸殆難支念汝久不見日夕長相
思感此發深嘆徬徨若無依恨不生羽翼凌風度郊圻詰朝
抗短䟽頓首扣皇扉陳乞暫歸省以慰臣母慈

聖皇敦孝理優詔特許歸憫臣懇悃意更賜驛傳馳

天恩誠浩蕩己志尚驚疑歸來入里門問訊後隣兒答云近
平復踴躍喜無涯升堂展家慶小試編爛衣童稚盡驚喜歡
聲溢庭闈親顏倍忻懌顧問來何時江湖多險艱道路邈遼
迤况茲雪霜候恐復傷汝肌起謝幸無恙祇慚歸省遲一荷
父母庇再荷

明主知剪燭坐深夜開筵泛瓊卮偕我兄與弟獻壽語嬉嬉
以茲晨夕間定省得暫施於焉洽歡慶庶用伸我私歲序忽
云改東風振芳菲韶光不相待王事有程期促裝久載道欲
去不忍辭親故強我別何堪共凄其人生穹壤間出處須合
宜退當竭營養進當思有為我情兩難即徘徊欲何之浩歌
向空碧引睇浮雲飛

寓愁

平生寡愁思今日何獨深所念在猶子羸病益見侵去歲暮
春起纏綿直至今茲復見春暮微軀豈堪任曉牕屢咳吐夜
枕時呻吟一聞一驚顧痛苦割我心安得盧扁手與尔救危
沉

過彭澤

我行過彭澤弔古心悠然。千載上相繼惟二賢陶公
佩印八旬賦歸田易姓不復仕甲子以紀年狄公在當時
旨來左遷一朝復唐祚忠義白日懸二賢去世遠光價
編豈無繼承者胡乃寂不傳吁嗟世之人才行真難全
懷往躅事業當勉旃

次韻蘇素庵先生禠詩

張無為廣信人四十三代真人

微八東海明河澹踈星露華集灌木衰草陰蛩鳴虛襟坐

長夜撫慨據餘情萬有等埃腐云胡勞死生悲懼偶大夢
月後斯征感此奚足歎百年同醉醒

次韻蘇素庵先生詠古

蜀先志復漢屈身知下士卓哉臥龍君功烈昭文史圖略過
孫曹樂田足資已凜凜出師言忠貞見生死

偕胡仕品遊第三谷

左彥彰建昌人贈監察御史

勝遊宿有期茲晨幸追陪振衣度駝嶺深入烟雲隈下嶺
無路澗谷相縈迴少焉到靈豐雲門何壯哉卷巘閱秋色奔
湍響晴雷小憩愛美蔭清風蕩氛埃拂石讀古篆捫蘿陟崖
鬼周旋華子岡指點翻經臺復尋藏書閣故址多莓苔昔賢
嗟已往吾輩愧後來午筵具田北懷抱相與開松琴奏清韻
浩歌之深杯樂事政云美暝色何遽催悵然步歸路欲去重

和

題春谷道人

趙迪

春谷有幽人蘿衣蕙為帶晨遊幽谷中暮宿春林外生意羅
前輝怡然自舒泰陽和物候佳乃與心神會閑吟谷口春山
靈笑相對詎非青門人來從赤松葦簪珪水以忘雲山自相待

賦得秦淮夜泊送別

涼月夜沉沉扁舟泊淮甸微雲逗殘星澄波凝素練鍾聲林
下來鴈影空中見若人儼神仙方乘使者傳將登鳳凰池引
對麒麟殿回眺泊秦淮春雨花如霰

白鶴篇送閩邑令

白鶴何翩翩軒昂在林樾飲泛芝田秋影弄瑤臺月素期鸞
鳳群久抱冰霜節翹首試一鳴聲聞達天關

主一

徐行

字同倫 號敬齋 進賢人 監察御史

茫茫穹壤間萬化同一理所以君子心念念恒勿一息虛靈湛
無私誠敬罔不至動與天者游默與理者契動靜肅而威儀百
體從所俾嗟哉末俗流紛紛竭私智所適惑他岐焉知天付
畀此心竟淪汨成立更何事後來存吾誠作者復誰是

題表弟朱仲實郎中畫意四首

錢復亨

條風扇晴淑青陽布微和溪流何冷冷雲山亦我我透迤古
刹遠翁藹綠樹多中有濟川者維舟遠相過我願託此渡惜
哉雙鬢皤茲焉澹忘情對酒酣自歌

赤曦連南陸丹飈盪陽林我列岫遠藹藹嘉木陰慨然以靜
脩者結廬事幽尋逸哉暇飛瀑靜矣聆幽禽嘿嘿理自徂以疊
疊情彌深孰云樂山水所志非吾心

商飈激西灝白露零濃濃列樹既窈窕群山亦玲瓏居然兩
人家遠迤迤住西東來去意自適笑談情復同俯看暮流碧仰
觀秋葉紅逍遙渡溪橋幽思浩無窮

荏苒歲云暮陰風生夕寒夕寒雲不流雪飛夜成團川陸入
溟滓林蠻浩彌漫渺渺溪上舟離離渡前灘自非王子猷焉
能半途還我願遊子歸深居閉重關

讀史擬蘇李二首

錢宰

仗節出塞垣遠使來單于詎意辱君命絕域久囚居故人從
何來而乃與我俱空谷聞足音斐然亦懽愉何況同寮友與
子骨肉如惜我處世異邈尔漢與胡感子故意長置酒相與
娛君情豈不念我志不可踰

蕭蕭悲風起泪下沾裳裾請畢今日歡累子以賤軀我惜輕

南敵失身在邊夷自痛負漢恩忽忽如狂癡子丁秉貞節豈
不愧我非迢迢關塞隔念子不得歸人生如朝露何久自若
為當宁日已毫法令無常施無罪且夷滅而子復以為誰願言
听陵計無為久狐疑飲此盈尊酒皓首以為期

題雪獵圖

胡兒善騎射出獵古戰場白雪日夜飛蕭蕭朔風涼黃草蔽
沙磧馬肥弓力强小隊出漢南十騎如龍驤前驅逐猛虎後
騎接飛獐翻身激羽箭壘中雨矜羊玄熊何前却猛虎亦跳
梁南行顧長戟北走脫飛鎗聯鑣愈奮捷性命不得將自謂
足馳騁意氣何揚揚寧思漢廷尉英勇際武皇去年出雲中
置郡定朔方今年戰高關夜圍右賢王小勇何足矜萬里開
邊疆

退兵後作

朔風號枯枝長夜河漫漫微月出復沒零露淒以溥露溥何
足悲嚴霜為之寒飢鳥下糞薄猛虎鳴其間鬼燈照虛館落
葉何珊珊蕭蕭遠征人載歌行路難我心增慘戚豈不思東
還欲濟川無梁中道多險艱弱子病且死老妻方憂患明將
登前途念我衣裳單芥冰汲澗水採薪事朝飡彼下泉詩
悠然豈長嘆

詠馬

漢馬三萬疋西馳玉門關歸來得宛駒不計漢馬還茂陵何
雄哉柰此民力殫悠悠千載下披圖起長嘆

擬古

朱昇

霜露悴百草蟋蟀鳴悲剌風寒以厲良人久無衣時服委

深篋路遠難致之仰視投林翮還依故巢飛物性有如此念
君歸無期矧當苦寒節坐傷音問違

感寓

張楷

日月類轉轂西沉復東昇炎曦乍去徂陰沍忽已凝有榮必
迨辱無廢不由興天道匪幽遠人事足可徵

歎白髮

晨興覽明鏡頭髮忽已白家居尚復然况我久為客幸有一
壺酒且自娛旦夕不見少年人終之殯阡陌

李陵詠

李陵入匈奴自恃將家子眼空沙漠群氣弱天下士轉戰駘
懦兵貪功入深壘殺氣慘雲日笳鼓昏未已決死鋒鏑間失
身腥穢裏堂漢將軍夫豈穹廬侍遠意欲有為偷生以含

馳對案不能食殊方忍居此霜寒胡鴈鳴雪凍白草死迢遙
望妻孥滅沒誰與理

咏水仙

王希範

幽思不可極放舟湘水間日莫遇佳人天珠妖且閑馨香隨
風發秀色若可飡願此托交甫解佩以為歡

擬陶彭澤三首

謁謁籬下菊衆卉恒蔽之涼飈颯然至妍華見幽姿有酒盈
吾尊欣言及茲時幽鳥懷茂林潛魚樂深池且為歡此飲知
命復何疑

我家南山下前有嘉樹林好鳥鳴其顛涼風吹衣襟沉此尊
中酒撫我膝上琴禾黍亦以繁桑麻諳餘陰知此良易足勞
生非所任

結髮有壯志仗劍游三河方舟泝洪流擊節揚其波俯食首
陽蕨緬懷商山歌我欲求茲人遺塚空嗟峨鴻飛已冥冥感
慨何其多

贈余伯欽

章珩

字文重悅
言之孫

眷彼美君子引脰出空房萼萼庭前樹上有孤鳳皇三翻襲
其羽雲錦成文章音聲噦以和蕭韶叶宮商春風動萬類杲
杲麗朝陽何不展脩翮奮此千仞岡

贈蘇秉衡秉貞

涼風吹遠林蹀躞上溝渠溝水不盈尺中有雙鯉魚嗟我匪
鱗族安能與之俱良久忽游逝眈眈空踟躕有客川上來遺
我一札書激墳發長嘆暗地投明珠江河雲漫漫高山路盤
紆欲往一相從惜無舟與車展轉夜何長苑結不可舒起視

參商星明月啼螿姑

與知己

重樓太行西山北高嵯峨良人愛傳匹宮商發弦歌隔江有
佳樹苑苑含春華及時采條枚吳越相經過懷芳見同袍達
旦歡樂多明月皎未沒輕舟逝長河我有長恨辭欲與游子
和慙慙意忘言加食保微痾

別詩

蘇正

字秉貞號雲峯刺人

青青南浦草游子傷遠離握手岐路側對酒難為辭與君結
同心十年猶一時况當千里別去去各天涯馳此苑結心日
月長相思天地無終窮人事多乖違努力樹聲名千載當自
期

情詩

燭燭雲間月清光照我堂援琴不能彈獨坐空徬徨欲奏和
思曲雅音有誰償美人在何許相去阻川梁君懷有時已我
心無時忘安得隨明月流影向君傍

挽宋龍洲先生

張景

字景心鄆縣人

慄慄北風動百草腓且僵白日失中含慘淡寒無光漫漫愁
思多激烈歌聲長浮雲結重陰俯仰內自傷揮刃出長坂我
馬玄以黃川流趨東溟葵藿傾太陽端居顧安之誰能履周
行崔崔玉山岡孤墳鬱蒼蒼

雜詩二首

金鉉

字昂行海南人

猗猗谷中蘭苑苑山上松同袍各異方悵恨終無窮形影不
能見懷憂盼征鴻秣馬駕輕車險阻路莫通來來合歡草俯
歎熱我衷欲寫長恨辭宮徵發鳴桐何不化黃鸝雙飛奪晨

風

寒裳涉深澤猗猗蘭蕙芳采之將何為同心在他鄉馨香滿
懷袖零淚空傍徨思欲濟長河水深愁無梁思欲臨高臺瞻
彼途路長良會不可及日月馳景光

具慶堂為指揮孫繼宗賦

洪璵

淳安人吏部古任心郎

積善貴深遠餘慶斯久長五福萃一門舉世疇心那當雖云人
所致報施由蒼蒼堂中有嚴親貴寵登朝行慈闈更康健珠
翟何輝煌歲時拜家慶袍笏森兩傍塤箎協清韻升堂進霞
觴天倫此攸叙至樂何可量祥風鵲庭戶蘭芽毓芬芳願言
更培濬福澤永汪洋

雜詩二首

袁珙

字廷玉鄞縣人號柳莊太常寺卿

富布衣不為貧石崇侈財貨終然隕其身鄙哉陶

朱公置產居海濱何如陋巷者千載稱其仁山中有芝草

詠商顏春

迢迢綠珠樓巍巍神女堂上可宿星辰輕風絕纖埃曜靈當
窓懸歌舞行雲回一朝弘化盡陶海沉浮灰許由一瓢者萬
古名崔嵬

自警

梁銛

字純夫

人性賦自天莫不有秉彝但為物欲壞全者誠幾希若夫周
孔聖德為萬世師從容口中道不待勉與思顏閔以下人復
性在脩為我生本愚魯不過中人資非加百倍功氣質終莫
移如何竟懶惰廢學拋去百詩不務本與根反事葉與枝應事
接物間多是人欲私念之每至此痛責涕欲垂往者悔莫及
來者良可追自今頓惕勵惟日恒孜孜庸言必加謹暗室毋

自欺涵養藉持敬進學之由致知聖途雖云遠直欲深造之萬
物備於我舉措皆合宜作詩以自警力行復何疑

期周子不至

林敬

夕陽下西陸圓月升東嶺羈鳥棲風枝陰虫咽寒井神閑逸
興遲境絕塵慮省之子跡未來良宵徒耿耿

挽蹇忠定公

真祖嗣 番陽人 大
理寺少卿

二儀運陶甄萬彙紛翺翔人生匪金石壽命安可長惜哉朝
堂客文采孤鳳凰翺：出明時雖雖鳴朝陽致位登台鼎可

儀著朝行燮調贊元化民物資阜康事業邁夔龍製作超班
揚九重隆眷注錦誥煥天章

寵榮冠當代赫赫揚休光方茲重儀刑奄忽夢黃梁玄盧闕
白日巷春遽不相蕙帳怨猿鶴宿草滿荒岡哲人今已矣朝

野感悲傷音容杳莫即悵望徒徬徨

見黃淮少保三首

應祥 字尚履 号兼
山 黃岩人

盛世天所助生此王佐才道德著明効國本益以培四海永
寧謐豈曰資涓埃向來諸國老論功乃其魁後容萬機暇師
保日講陪宇宙百年內禮樂何盛哉台鴈本隣壤草木同胎
回聞風起嘆慕誰甘臥蒿萊

天道有常運成功詎無已誰能參化機履盛貴知止筮仕得
明君千載同魚水擎天力已任取日功可擬道德重師保息
榮無父子眷委日方隆引年何遽尔介石有明訓動息存至
理東南釣遊地清風播蘭芷

空山有畸人家世業詩書齒髮日益衰所得僅緒餘好古不
自量臨文每嗟吁漢唐日以降作者稱歐蘇名公間世英壯

歲遊石渠吐論補殘經飾轅戒虛車饒夫過屠門大嚼意方舒斯言可以喻我行勿次且

送上海李友伯與之秀水教諭

陳詢字汝同華亭人國子祭酒

吾聞秀水縣自昔多賢才况當

聖明世君往為恢胎瑚璉於焉埴棟梁從此培行莫敢起

次第登霜臺

送友賦白鷺洲

釋來復

大江何迢迢中有白鷺洲二水西北來洪波浩無休天塹固云險今乃為安流深浦汎鷓鴣芳樹鳴鈞軸念子久留悵吟歌此遨遊酌酒佳麗亭題詩鳳凰丘太平愜良會期當慎所脩方舟忽言邁折柳青沙頭仰視三山雲送子心悠悠

次韻荅仲縉博士見訪

釋居頂

至道躰冲漠操存貴誠欽洞徹懸寶鑑所遇隨照臨超然萬物表岱宗落群岑虫虫昧所適朗月層陰翳君服先訓斯理悟入深温貞潤白壁文采輝黃金瞻茲方外友諧和鼓瑤琴顧余多偃蹇自昔蒙知音今晨偶良會一洗煩慮侵勿云異出魂夙幾以同心

西江草堂

釋宗原字無極越人

錙君洛陽英避地越江曲縛屋臨清湍虛檐交翠木高情樂琴書永日親鴈鴒得中久已安於世澹無欲采芙蓉花一

咲山水綠

寄孟熙先生

幽齋坐虛敞終朝無好懷况當涼氣肅梧葉落空階良友別我久感物經時乖援琴托深意商調詎能諧芝湖在何處望

望不得借日莫碧雲合香是天之涯

養菴為松江李長史賦

應志和黃若人號教

物生天地間靡不資所養根本苟弗培何以遂滋長天理在人心虛靈本宣朗一念或荒寧五性從鹵莽養之良有道親切非象罔心能操則存寡欲斯蕩之性宜順無害存誠去邪在聖功苟弗隳令德應不爽方寸雖至微及此極寬廣可以參三才可以涵萬象推之日用間一備亦無黨自反罔不直正氣充霄壤偉哉亞聖公開示如指掌末學昧精要此心長惚恍吁嗟李夫子雅志何倜儻群疑恣深索明訓心所仰揭養以名菴聖途成獨往寡之千載餘深期繩絕響

挽上海李母陸宜人

錢溥字源溥華亭人詩讀學士

花殞果始碩枯枯穗芳滋人事矣不偶造化恒若斯原泉出

澗壑去、無回期油然化霖雨踪跡安可知所以二子心日夕興苦思憶昔甫知教慈母即見離有祿不待養有封徒尔追恩深報莫及身崇心益悲愧却返哺烏血淚交兩頤

林皋遠思

釋幻庵豫章人

長林被曠坂芳樹成嘉陰衡茅寄重崦無路能追尋中有靜者徒逍遙謝瓊簪飄之動清思遐舉遺浮沉俯察品物理冥觀天地心百年一瞬息矯首發長吟

文翰類選大成卷二十七

文翰類選大成卷第二十八七言古詩目錄

漢

張子平四首

晉

張孟陽一首

唐

王子安一首 盧果之一首 宋延清三首 張道濟一首

王摩詰四首 劉長卿二首 高逵夫五首 崔顥三首

李頎四首 王季友三首 儲光羲二首 岑參四首

孟浩然一首 張正言三首 常建一首 李太白十四首

杜子美五首 張子同一首 獨孤至之二首 王仲初二首

鮑子楨一首 僧靈澈一首 薛業一首 戎昱一首

李長吉十首 孟東野一首 柳子厚二首 元微之一首

韓退之七首 張文昌六首 劉夢得二首 白樂天一首

李汝 一首 張承吉一首 李義山一首 溫飛卿一首

韓琬 一首 王穀 一首 劉瑤 一首 徐凝 一首

衛董 一首 長孫佐輔一首 張若虛一首 杜荀鶴一首

文翰類選大成卷第二十八目錄

文翰類選大成卷第二十八

左長史上海李伯璵編輯

伴 讀慈谿馮厚校正

詩類 七言古詩

漢

○ 四愁詩

張平子

一思曰我所思兮在太山欲往從之梁父艱側身東望涕霑翰美人贈我金錯乃何以報之英瓊瑤路遠莫致倚道遙何

為懷憂心煩勞

二思曰我所思兮在桂林欲往從之湘水深側身南望涕霑襟美人贈我金琅玕何以報之雙玉盤路遠莫致倚惆悵何

為懷憂心煩傷

三思曰我所思兮在漢陽欲往從之隴阪長側身西望涕霑裳美人贈我貂襜褕何以報之明月珠路遠莫致倚踟躕何爲懷憂心煩紆

晉

擬四愁詩

張孟陽

我所思兮 江營洲

望涕泗流我之

懷矣心傷憂佳人遺我綠綺琴何以贈之雙南金願因流波深終然莫致增永吟

滕王閣

王子安

滕王高閣臨江渚珮玉鳴鑾罷歌舞書棟朝飛南浦雲朱簾暮捲西山雨閑雲潭影日悠悠物換星移度幾秋閣中帝子今何在檻外長江空自流

長安古意

盧杲之

長安大道連狹斜青牛白馬七香車玉輦縱橫過主第金鞍絡繹向侯家龍銜寶蓋承朝日鳳吐流蘇帶晚霞百丈遊絲爭繞樹一群嬌鳥共啼花啼花戲蝶千門側碧樹銀臺萬色復道交窓作合歡雙闕連甍垂鳳翼梁家畫閣天中起漢帝金莖雲外直樓前相望不相知陌上相逢詎相識借問吹簫向紫烟曾經學舞度芳年得成比目何辭死願作鴛鴦不羨仙比目鴛鴦真可羨雙去雙來君不見生憎帳額繡孤鸞

好取開簾帖，雙鷺雙鷺，雙飛繞畫梁。羅幃翠被，鬱金香，片片行雲看。蟬髮纖纖，初月上，鴉黃鴉黃，粉白車中出，含嬌含態，情非一。妖童寶馬，鐵連錢，倡婦盤龍，金屈膝，御史府中烏夜啼。廷尉門前雀，欲栖隱隱。朱城臨玉道，遙遙翠幃，沒金堤。挾彈飛鷹，杜陵北，探丸借客，渭橋西。俱邀俠客，六容劍共宿，倡家桃李，蹊倡家日暮，紫羅裙，清歌一轉口，氛氲北堂夜，夜入如月，南陌朝騎似雲，南陌北堂，連北里，五劇三條，控三市，弱柳青槐，拂地垂，佳氣紅塵暗，天起漢代金吾，千騎來，翡翠屠蘇，鸚鵡杯，羅襦寶帶，為君解，燕歌趙舞，為君開，別有豪華稱將相，轉日回天，不相讓，意氣由來排灌夫，專權判不容，蕭相專權，意氣本豪雄，青虬紫燕，坐生風，自言歌舞長千載，自謂驕奢凌五公，節物風光不相待，桑田碧海，須臾改，昔時金階

白玉堂，即今惟見青松在，寂寂寥寥，多揚子居，年年歲歲，一床書，獨有南山桂，花發飛來飛去，襲人裾。

明河篇

宋之問

八月涼風，天氣晶，萬里無雲，河漢明，昏見南樓，清且淺，曉落西山，縱復橫，洛陽城闕，天中起，長河夜夜，千門裏，樓道連，臺共蔽，虧畫堂，瓊戶特相宜，雲母帳前，初汎濫，水精簾外，轉凌迤，倬彼昭回，如練白，復出東城，接南陌，南北正，人去不歸，誰家今夜，搗寒衣，鴛鴦機上，踈螢度，烏鵲橋邊，一鴈飛，鴈飛螢，菱愁難，歇坐見明河，漸微沒，已能舒卷，任浮雲，不惜光，輝讓流月，明河可望，不可親，願得乘槎，一問津，更將織文，支機石，還訪成都，賣卜人。

有所思

洛陽城東桃李花飛來飛去落誰家幽閨兒女惜顏色坐見
落花長歎息今年花落顏色改明年花開復誰在已見松栢
摧為薪更聞祭田變成海古人無復洛城東今人還對落花
風年年歲歲花相似歲歲年年人不同寄言今盛紅顏子須
憐半死白頭翁此翁白頭真可憐伊昔紅顏美少年公子王
孫芳樹下清歌妙舞落花前光祿池臺文錦繡將軍樓閣盡
神仙一朝卧病無相識三春行樂在誰邊婉轉蛾眉能幾時
頭更鶴髮亂如絲但看古來歌舞地唯有黃昏鳥雀飛

寒食陸渾別業

洛陽城裏花如雪陸渾山中今始發且別河橋楊柳風夕臣
伊川桃李月伊川桃李正芳新寒食山中酒復春野老不知
禿髮方酣歌一曲太平人

巡邊在河北作

張道濟

去年六月西河面今年六月北河北沙場磧路何為爾重氣
輕生知許國人生在世能幾時壯年征戰髮如絲會待安邊
報明主作頌封山也未遲

同崔傅答賢弟

王摩詰

洛陽才子姑蘇客社宛殊非舊鄉小陌九江楓樹幾回青一片
揚州五湖白揚州時有下江兵前陵鎮前吹笛聲夜火人歸
富春郭秋風鶴唳石頭城周郎弟為儔侶對舞前谿歌白
苧曲几書留小吏家草堂某賭山陰墅衣冠若話外臺臣先
數大君席上珍更聞臺閣永三誼遙想風流第一人

送崔五大守

長安廐吏來到門朱文露網動行軒黃花縣西九折坂玉樹

宮南五丈原褒斜谷中不容憶此口有白雲當露冕子午山裏
杜鵑啼嘉陵水頭行客飯劍門忽心斷蜀川開萬井雙流滿
報來霧中遠樹刀州出天際澄江四一字回使君年紀三十餘少
年白首尊城居欲持畫省郎官筆十回與臨邛父老書

故人張諲工詩善易卜能丹青草隸頃以詩見贈

聊獲答之

不逐城東游俠兒隱囊紗帽坐端几
碁蜀中夫子時開卦澄下
諸生解詠詩藥闌花徑衡門裏
復據梧聊隱几屏風誤點
或孫郎團扇草書輕內史故園直
四枕度三春永日垂帷絕四
隣自想蔡邕今已老更將書籍
與何人

寒食城東即事

清溪一道穿桃李演漾綠蒲涵
白石路上人家家九幾家

半落東流水蹴踏屢過飛鳥上
秋千競出垂楊裏
年年日日
作遨遊不用清明兼上巳

齊一和尚影堂

劉長卿

一公住世忘世紛暫來復去誰能分身寄虛空如過水心將
生滅是浮雲蕭散浮雲往不還淒涼遺教歿仍傳
在地愁看
雙樹在空堂只是一鏡懸一鏡長照恒河沙
雙樹滿落諸天
花天花寂寂香深殿苔蘚蒼蒼閉虛院
昔余精念訪禪扉常
接微言清道機今來寂寞無所得惟共門人淚滿衣

客舍喜鄭三見寄

客舍逢君未授衣閉門愁見桃花飛
遙想故園今已二爾家人
應念行人歸寂寞垂楊映深曲
長安日莫靈臺宿窮巷無人
鳥雀閑空庭新雨莓苔綠
此中分與故交踈何幸仍
四長者

車十年未稱平生意好得辛勤謾讀書

封丘作

高達夫

我本漁樵孟諸野一生自是悠悠者乍可狂歌草澤中寧堪
作吏風塵下祇言小邑無所為公門百事皆有期拜迎官長
心欲碎鞭撻黎庶令人悲悲來向家問妻子舉家盡道如今如
此生事應須南畝田世情付與東流水夢想舊山安在哉為
銜君命且遲迴乃知梅福徒為爾却憶陶潛歸去來

寄宿田家

田家老翁住東陂說道平生隱在茲髮白未曾記日月山青
每到識春時門前種柳深成巷野谷流泉添入池牛壯日耕
十畝地人間常掃一茅茨客來滿酌清樽酒感興平吟子詩
巖際岩中藏巖鼠潭邊竹裏隱鷓鴣村稀日落行人少醉後

無心怯路岐今夜只應還寄宿明朝拂曙與君辭

九月九日酬顏少府

簷前白日應可惜籬下黃花為誰有行子迎霜未授衣主人
得錢始沽酒蘇秦顛賴人多厭蔡澤棲遲世看醜縱使登高
只斷腸不如獨坐空搔首

送渾將軍出塞

將軍族貴兵且強漢家已是渾耶王子孫相承在朝野至今
部曲燕支下控絃盡用陰山兒臨陣常騎大宛馬銀鞍玉勒
繡螭弧每逐嫖姚破骨都李廣猶來先將士衛青未肯學孫
吳傳有沙場十萬騎昨日邊庭羽書至城頭畫角三四聲匣
裏寶刀晝夜鳴意氣能甘萬里去辛勤動作一年行黃雲白
草無前後朝望旌旗夕刀斗塞下應多俠少年關西不見春

揚柳從軍但問所從誰擊劍酣歌當此時遠別無輕繞朝箠
平戎早寄仲宣詩

人日寄杜二拾遺

人日題詩寄草堂遙憐故人思故鄉柳條弄色不忍見梅花
蒲葦空斷腸身在南蕃無所預心懷百憂復千慮今年人日
空相憶明年人日知何處一卧東山三十春豈知書劍老風
塵龍鍾還泰二千古愧爾東西南北人

代閨人答輕薄少年

崔顥

妾家近隔鳳凰池粉壁紗窓楊柳垂本期漢代金吾壻悞嫁
長安游俠兒兒家夫壻多輕薄惜客採丸重然諾平明挾彈
入新曲日晚揮鞭出長樂青絲白馬冶遊園能使行人駐馬
看自矜陌上敏系華盛不念閨中花鳥闌花間陌上春將晚走

馬關鷄猶未返三時出望無消息一去那知行近遠桃李花
開覆井闌朱樓落日卷簾幕有愁來欲奏相思曲抱得秦箏不
忍彈

長安道

長安甲第高入雲誰家居此霍將軍日晚朝回擁賓從路傍
拜揖何紛紛莫言多手手可熱須臾火盡灰亦滅莫言貧賤
即可欺人生富貴自有時一朝天子賜顏色世事悠悠應始知

七夕

長安城中月如練家家此夜持針線仙裙玉珮空自知天上
人間不相見長信深陰夜轉幽玉階金閣數螢流班姬此夕
愁無限河漢三更看斗牛

古行路難

李頎

漢家名臣揚德祖四代五公享茅土父子兄弟維銀黃躍馬
鳴珂朝建章火浣單衣繡方領英黃錦帶玉盤囊賓客填街
復滿座片言出口生輝光世人逐勢爭奔走瀝膽陳肝惟恐
後當時一顧登青雲自謂生死長隨君一朝謝病還鄉里窮
巷蒼苔絕知己秋風落葉閉重門昨日論交竟誰是薄俗嗟
嗟難重陳深山麋鹿可爲隣魯連所以蹈東海古往今來稱
達人

送陳章甫

四月南風大麥黃棗花未落桐葉長青山朝別暮還見嘶馬
出門思舊鄉陳侯立身何坦湯虬鬚虎眉仍大額腹中貯書
一萬卷不肯低頭在草莽東門沽酒飲我曹心輕萬事如鴻
毛醉卧不知白日暮有時空望孤雲高長河浪頭連天黑津
吏停舟渡不得鄭國遊人未及宮洛陽行子空歎息聞道故
林相識多罷官昨日今如何

送劉十

三十不官亦不娶時人焉識道宜四下房中惟有老氏書檉上
空餘少游馬往來高華與函秦以公歌一曲前山春西林獨鶴
引開步南澗飛泉清角巾前年十一書不得意歸卧東窓兀然
醉諸兄相繼掌青史第五之名流只驃騎烹葵摘果告我行落
日夏雲縱復橫聞道謝安掩口笑人知君不免爲蒼生

送康洽入京進樂府詩

識子十年何不遇只愛懽遊兩京小路朝吟左氏嬌女篇夜誦
相如美人賦長安春物舊相宜小苑蒲萄花滿枝柳色偏濃
九華殿鸞聲醉殺五陵兒曳裾此夜從何所中貴由來盡相

許白袂春衫仙吏贈烏皮隱几郎官與新詩樂府唱堪愁御
妓應傳鵲樓西上雖目長公上土終須一曲武陵侯

酬李十六岐

王季友

鍊丹文武火未成賣藥販獲俱逃名出谷迷行洛陽道乘流
醉卧滑臺城城下故人久離怨一懽適我兩家願朝飲杖懸
沽酒錢莫餐囊有松花餅于何車馬日憧憧李膺門館爭登
龍千賓揖對若流水五經教難如扣鍾下筆新詩行滿壁立
談古人坐在席問我草堂有卧雲知我山儲無儋石自耕自
刈食為天如鹿如麋飲野泉亦知世上公卿貴且養丘中草
木年

代賀枝令譽贈沈千運

相逢問姓名亦存別時無子今有孫山上雙松長不改百家

惟有三家村村南村西車馬道一宿通舟水浩浩澗中磊磊
十里石河上游泥種桑夾平坡塚墓皆我親滿田主人是舊
客舉聲酸鼻問同年十人七人歸下泉分手如何更此地迴
頭不去淚潸然

觀于舍人壁畫山水

野人宿在山家少朝見此山謂山曉半壁仍棲嶺上雲開簾
欲放湖中鳥獨坐長松是阿誰再三招手起來達于公大笑
向予說小弟丹青能尔為

同張侍御宴北樓

儲光羲

今之太守古諸侯出入雙旗垂七旒朝覽下戈時聽訟暮延
賓客復登樓西山漠漠嶺嶺色北渚沈沈江漢流良宵清淨
方高會深服光輝聯皂蓋魚龍恍惚階墀下雲霧香宮窓戶

外水雪懷慨行泣珠游女飄飄思解珮蒼蒼低月半遙城落
落疎星滿太清不分襟悲楚奏願言吹笛退胡兵軒后青
立埋狹榆周王白羽掃揜搶期君武節朝龍闕子亦翱翔歸
三京

新豐主人

新豐主人新酒熟舊客還歸舊堂宿滿酌香舍北砌花盈樽
色泛南軒竹雲散天高秋月明東家少女解秦箏醉來忘却
巴陵道夢中疑似洛陽城

與獨孤漸道別長句無呈嚴八侍御 岑參

輪臺客舍春草滿頽陽歸客腸堪斷窮荒絕漠鳥不飛高磧
千山夢猶懶憐君白面一書生讀書千卷未成名五侯貴門
脚不到數畝山田身自耕興來浪跡無遠近及至辭家憶鄉

信無事垂鞭信馬頭西南幾欲窮天盡奉使三年獨未歸邊頭
詞客舊來稀借問君來得幾日到家不覺換春衣高齋清書
卷羅幕紗帽接籬慵不着中酒朝眠日色高彈碁夜半燈花
落冰片高堆金錯盤滿堂凜凜五月寒桂林蒲萄新吐莖武
城刺蜜未可餐軍中置酒夜搗鼓錦筵紅燭月未午花門將
軍善胡歌葉河番王能漢語知尔園林厭渭濱夫人堂上泣
羅裙魚龍川北盤谿雨鳥鼠山西澁水雲臺中嚴君於我厚
別後新詩滿人口自憐棄置天西頭因君為問相思否

送費子歸武昌

漢陽歸客悲秋草旅舍葉飛愁不掃秋來倍憶武昌魚夢着
只在巴陵道曾隨上將過祁連離家十年恒在邊劍鋒可惜
虛用盡馬蹄無事今已穿知君開館恒愛客樽蒲百金每一

擲平生有錢將與人江上故園空四壁吾觀費子毛骨竒廣
眉大口仍赤髭看君失路尚如此人生貴賤那得知高秋八
月歸南楚東門一壺聊出祖路拍鳳凰山北雲衣霑鸚鵡洲
邊雨莫嘆蹉跎白髮新應須守道勿羞貧男兒何心戀妻子
莫向江村老却人

喜韓樽相過

二月灞陵春已老故人相逢耐醉倒甕頭春酒黃花脂祿米
以充沽酒資長安城中定年少獨共韓侯開口笑桃花點地
紅斑斑有酒留君且莫還與君兄弟日攜手世上浮名好是
閒

偃師東與韓樽同詣景雲暉上人即事

山陰老僧解楞伽頴陽歸客遠相過烟深草濕昨夜雨雨後

西風度漕河空山終日塵事少平郊遠見行人小尚書磧上
黃昏鍾別駕渡頭一歸鳥

高陽池送朱二

孟浩然

昔當襄陽全盛時山公常醉習家池池邊釣女日相隨粧成
照水競來窺紅波澹澹夫容發綠岸毵毵楊柳垂一朝物變
人亦非四面荒涼入住掃意氣豪華何處在空餘草露濕人
衣此地朝來餞行者翻向此中牧征馬征馬分飛日漸斜見
此空為人所嗟殷勤為訪桃源客余亦歸來松子家

湖中對酒作

張正言

名豐部南人

夜坐不厭湖上月書行不厭湖上山眼前一樽又長滿心中
萬事如等閑主人有黍百餘石濁醪數斗應不惜即今相對
不盡懽別後相思復何益茱萸灣頭歸路賒願君且宿黃菊

家風光若此人不醉參差孤負東園花

贈喬林

去年上策不見收今年寄食仍淹留羨君有酒能便醉羨君無錢能不憂如今五侯不待客羨君不問五侯宅如今七貴方自尊羨君不過七貴門丈夫會應有知己世上悠悠何足論

代北州老翁答

負薪老翁住北州北望鄉關生客愁自言老翁有三子兩人已向黃沙死如今小男新長成明年聞道更徵兵定知此別必零落不及相隨同死生盡將田宅借鄰伍且復伶俜去鄉土在生本求多子孫及有誰知更辛苦近傳天子尊武臣強兵直欲靜胡塵安邊自合有長策何必流離中國人

古意

常建

井底玉冰洞地明琥珀轆轤青絲索仙人騎鳳披彩霞挽上銀瓶照天閣黃金作身雙飛龍口銜明月噴夫容一時度海望不見曉上青樓十二重

金陵酒肆留別

李太白

風吹柳花滿店香吳姬壓酒喚客嘗金陵子弟來相送欲行不行各盡觴請君試問東流水別意與之誰短長

思邊

去歲何時君別妾南園綠草飛蝴蝶今歲何時妾憶君西山白雪暗秦雲玉關此去三千里欲寄音書那得聞

烏夜啼

黃雲城邊烏欲棲歸飛啞啞枝上啼機中織錦秦川女碧紗

如煙隔窓語停梭。悵然憶遠人。獨宿孤房淚如雨。

把酒問月

青天有月來幾時。我今停盃一問之。人攀明月不可得。月行却與人相隨。皎如飛鏡臨丹闕。綠煙滅盡清輝發。但見宵從海上來。寧知曉向雲間沒。白兔搗藥秋復春。姮娥孤棲與誰隣。今人不見古時月。今月曾經照古人。古人今人若流水。共看明月皆如此。唯願當歌對酒時。月光長照金樽裏。

早春寄王漢陽

聞道春還未相識。起傍寒梅訪消息。昨夜東風入武陽。陌頭楊柳黃金色。碧水渺渺雲茫茫。美人不來空斷腸。願拂青山一片石。與君連日醉壺觴。

上李邕

大鵬一日同風起。扶搖直上九萬里。假令風歇時下來。猶能簸却滄溟水。世人見我徒相誇。矧爾大言皆冷笑。宣父猶能畏後生。丈夫未可輕年少。

南陵敘別

白酒初熟山中歸。黃雞啄黍秋正肥。呼童烹雞酌白酒。兒女嬉笑牽人衣。高歌取醉欲自慰。起舞落日爭光輝。游說萬乘苦不早。著鞭跨馬涉遠道。追會稽愚婦。輕買臣。余亦辭家西入秦。仰天大笑出門去。我輩豈是蓬蒿人。

流夜郎贈辛判官

昔在長安醉花柳。五侯七貴同盃酒。氣岸遙凌豪士前。風流肯落他人後。夫子紅顏未少年。章臺走馬著金鞭。文章獻納麒麟殿。歌舞淹留玳瑁筵。與君相謂長如此。寧知草動風塵

起函谷忽驚胡馬來。秦宮桃李向誰開。我愁遠謫夜郎去。何日金雞放赦回。

醉後荅丁十八以詩譏予槌碎黃鶴樓

黃鶴高樓已槌碎。黃鶴仙人無所依。黃鶴上天訴上帝。却放黃鶴江南歸。神明太守再雕飾。新圖粉壁還芳菲。一州笑我爲狂客。少年往往來相識。君平簾下誰家子。云是遼東丁令威。作詩悼我驚逸興。白雲遶筆牕前飛。待取明朝酒醒罷。與君爛熳尋春輝。

送羽林陶將軍

將軍出使擁樓船。江上旌旗拂紫煙。萬里橫戈探虎穴。三盃拔劍舞龍泉。莫道詞人無膽氣。臨行將贈繞朝鞭。

題東谿公幽居

杜陵賢人清且廉。東谿卜築歲將淹。宅近青山同謝朓。門垂碧柳似陶潛。好鳥迎春歌後院。飛花送酒舞前簷。客到但知留一醉。盤中只有水精鹽。

山中荅俗人

問余何事栖碧山。笑而不荅心自閑。桃花流水宛然去。別有天地非人間。

山中對酌

兩人對酌山花開。一盃一盃復一盃。我醉欲眠君且去。明朝有意抱琴來。

怨情

新人如花雖可寵。故人似玉猶來重。花性飄揚不自持。玉心皎潔終不移。故人昔新今尚故。還見新人有故時。請看陳后

黃金屋寂寂珠簾生網絲

歎庭前甘菊花

杜子美

簷前甘菊移時晚青蕊重陽不堪摘明日蕭條盡醉醒殘花
爛熳開何益籬邊野外多衆芳采擷細瑣升中堂念茲空長
大枝葉結根失所纏風霜

秋雨歎

兩中百草秋爛死堦下決明顏色鮮著葉滿枝翠羽蓋開花
無數黃金錢涼風蕭蕭吹汝急恐汝後時難獨立堂上書生
空白頭臨風三嗅馨香泣

梅木爲風雨所拔歎

倚江柵樹草堂前故老相傳二百年。誅茅卜居總爲此。五月
髮髯聞寒蟬。東南飄風動地至。江湖石走流雲氣。榦排雷雨

猶力爭。根斷泉源豈天意。滄波老樹性所愛。浦上童童一車
蓋。野客頻留懼雪霜。行人不過聽笳籟。虎倒龍顛委榛棘。淚
痕血點垂肖臆。我有新詩何處吟。草堂自此無顏色。

哀江頭

少陵野老吞聲哭春日潛行曲江曲江頭宮殿鎖千門細柳
新蒲爲誰綠憶昔霓旌下南苑苑中萬物生顏色昭陽殿裏
第一人同輦隨君侍君側輦前才人帶弓箭白馬嚼黃金
勒翻身向天仰射雲一箭正墜雙飛翼明眸皓齒今何在血
污遊魂歸不得清渭東流劍閣深去住彼此無消息人生有
情淚沾臆江水江花豈終極黃昏胡騎塵滿城欲往城南忘
南北

王兵馬使二角鷹

悲臺蕭颯石龍從哀詔叔牙浩呼海中萬里之長江迴風
陷日孤光動角鷹翻倒壯士臂將軍玉帳軒勇氣二鷹猛腦
條徐墜目如愁胡視天地杉雞竹兔不自惜孩虎野羊俱辟
易鞫上鋒稜十二翻將軍勇銳與之敵將軍樹勳起安西崑
崙虞泉入馬蹄白羽曾肉三後猊敢決豈不與之齊荆南芮
公得將軍亦如角鷹下翔雲惡鳥飛飛啄金屋安得尔輩開
其群驅出六合梟鷲分

漁父

張子同

名志和金華人

八月九月蘆花飛南谿老人垂釣歸秋山入簾翠滴滴野艇
倚檻雲依依却把漁竿尋小徑閑梳鶴髮對斜暉翻漁
曾多事出為儲皇定是非

早發龍且館舟中寄東海李司余真司戶

獨孤至之

沙禽相呼曙色分漁浦鳴榔十里聞正當秋風度楚水况值
遠道傷離群津頭却望後湖岸別處已隔東山雲停艫目送
北歸翼借無瑤華持寄君

和贈遠

憶得去年春風至中庭桃李映瓊牕美人挾瑟對芳樹玉顏
亭亭與花雙今年新花如舊時去年美人不在茲借問離居
恨深淺祇應獨有庭花知

田家留客

王仲初

人客少能留我至客有新漿馬有粟遠行僮僕應告飢新婦
厨中炊欲熟不嫌田家破門戶蚕房新泥無風土行人但飯
莫畏貧明府上來何辛苦丁寧回與屋中妻有客勿令見夜
帝双塚直西有縣路我教丁男送君去

失釵怨

貧女銅釵惜於玉失却來來三日哭嫁時女伴與作粧頭戴
此釵如鳳凰雙盃行酒六親喜我家新婦宜拜堂鏡中乍無
失髻樣初起猶疑在床上高樓翠鈿飄舞塵明日從頭一遍
新

雜感 鮑子慎名防御史大夫

漢家海內承平久萬國戎王皆稽首天馬常銜首菑花胡人
歲獻蒲萄酒五月荔枝初破顏朝離象郡夕函關鴈飛不到
桂陽嶺馬走皆從林邑山甘泉御果垂仙閣日暮無人香自
落落物皆重近皆輕雞雖有德不如鶴

歸湖南

曾靈澈

名澄 越州人

山邊水邊待月明暫向人間借路行如今還向山邊去只有

湖水無行路

洪州客舍寄柳博士

薛業

去年鸞鷲主人屋今年花發路傍枝年年為客不到舍舊國
存亡那得知胡塵一起天下亂何處春風無別離

客堂秋夕

戎昱

隔窓螢影滅復流北風微雨虛堂秋蟲聲竟夜引鄉淚蟋蟀
何知人自愁四時不得一日樂以此方悲客游惡宗宗江城
無所聞梧桐葉上偏蕭索

秦宮詩

李長吉

越羅衫袂迎春風玉刻麒麟腰帶紅樓頭曲宴仙人語帳裏
吹笙香霧濃人間酒暖春茫茫花枝入簾白日長飛窓複道
傳籌飲午夜朦朧膩燭黃禿襟小袖調鸚鵡紫綉麻霞踏瓠

虎斫桂燒金待曉筵。白鹿清蘇夜采煮。桐英永巷騎主馬。內
屋玳屏生色畫。畫開門爛用水衡錢。卷起黃河向身瀉。皇天厄
運猶曾裂秦宮。一生花裏活。爲婦兒奪得不還人。醉卧甕甕滿
堂月。

李憑箏篋謠

吳絲蜀桐張高秋。空山凝雲頽不流。江娥啼竹素女愁。李憑
中國彈箏篋。崑山玉碎鳳凰叫。夫容泣露香蘭笑。十二門前
融冷光。二十三絲動紫皇。女媧鍊石補天處。石破天驚逗秋
雨。夢入神山教神媪。老龍跳波瘦蛟舞。吳質不眠倚柱。露
脚斜飛濕寒兔。

天上謠

天河夜轉漂回星。銀浦流雲學水聲。玉宮桂樹花未落。仙妾

采香垂玕瓊。秦妃捲簾北窓睡。惚前植桐青鳳小。王子吹笙
揚管長呼龍。耕烟種瑶草。粉雲以紅綬。藕絲裙。青洲步。拾蘭若。
春東指羲和。能走馬。海塵新生。石山下。劍陣。出。鳳。圖。

李夫人

紫皇宮殿重重開。夫人飛入瑤臺。綠香繡帳何時歇。青雲
無光宮水咽。翩聯桂花墜。秋月孤鶩驚啼。商絲發紅壁。闌珊
懸佩璫。歌臺小妓。遙相望。玉蟾滴水雞人唱。露華蘭葉參差
光。

貴主征行樂

奚騎黃銅連鎖甲。羅旗香幹金。畫葉中軍留醉。河陽城驕嘶
紫蓋踏花行。春營騎將如紅玉。走馬捎鞭上空綠。女垣素月
角啾啾。牙帳未開分錦衣。

江南弄

江中綠霧起涼波天上疊嶽紅
嗟城水風浦雲生老竹渚
溟蒲帆如一幅鱸魚千頭酒百斛
酒七倒卧南山綠吳歛越吟
未終曲江上團團帖寒玉

少年樂

芳草落花如錦地二十長遊醉
鄉裏紅纓小重白馬驕垂柳
金絲香拂水吳娥未笑花不開
綠髮登陸蘭臺起陸郎倚醉
牽羅袂奪得寶釵金翡翠

夢天

老兔寒蟾泣天色雲樓半開壁
四白玉輪軋露濕團光高珮
相逢桂香陌黃塵清水三山下
又變千年如走馬遙望齊州
九點烟一泓海水杯中瀉

蝴蝶舞

揚花撲帳春雲熱龜甲屏風醉
眼纈東家蝴蝶西家飛白
少年今日歸

刺年少

青驄馬肥金鞍光龍腦入縷羅衣香
美人狎坐飛瓊觴貧人
笑云天上郎別起高樓連碧篠
絲曳紅鱗出深沼有時半醉
百花前背把金丸落飛鳥
自說生來未為客一身美妾過三
百豈知斷地種田家官稅頗催
没人繒長金積玉誇豪毅每
指閑人多意氣生來不讀半行書
祇把黃金買身貴少年安
得長少年海波尚變為桑田
枯榮遞傳急如箭天公不肯為
君偏莫道韶華鎮長在白頭
面被專相待

巫山高

孟東野

巴江上峽重復重。陽臺峭壁十二峯。荆王獵時逢暮雨。夜卧
高丘夢神女。輕紅流烟濕艷姿。行雲飛去明星稀。日極鬼窟
望不見。後啼三聲淚沾衣。

行路難

柳子厚

飛雪斷道冰成裂。疾風家燬炭雕玉房。蟠龍吐耀虎喙張。鸞
豹躑躅低昂。攢巖叢峭射朱光。丹霞翠霧飄奇香。美人四座
回鳴璫。雪山冰谷稀太陽。星躔奔走不得止。奄忽雙燕棲
梁。風臺露榭生光飾。死灰棄置參與商。盛時一去貴反賤。棹
笙奏扇安可常。

漁翁

漁翁夜傍西巖宿。曉汲清湘然楚竹。煙銷日出不見人。欸乃
一聲山水渌。迴看天際下中流。巖上無心雲相逐。

立部伎

元微之

胡部新聲錦筵坐。中庭漢振高音播。太宗廟樂得子孫。取類
群兇陣初破。戢。攢槍霜雪耀騰。擊鼓雲雷磨。初疑遇敵
身。啓行終象由文士。憲左昔日高宗常。立聽曲終然後臨。五
座如今節將一。掉頭雷卷風收盡。摧挫宋音鄭女歌聲發。滿
堂會客齊豈和。珊瑚佩玉動腰身。一貫珠隨咳唾頃。向圓
丘見郊祀亦曾正。旦親朝賀太常雅樂備宮懸。九奏未終百
祭情。滯難今季札辨遲回。但恐文侯卧工師。盡取聲味人
走先王作之。過宋况嘗傳天寶。季法曲胡音忽相和。明年
十月燕冠來九廟。千門虜虜跪我聞。此語歎復渣。古來邪正
將誰奈。好聲入耳佞入心。侏儒飽飯夷齊餓。

桃源圖

韓退之

神仙有無何渺落桃源之說誠荒唐流水盤迴山百轉生絹
數幅垂中堂武陵太守好事者題封遠寄南宮下南宮先生
忻得之波濤入筆驅文舞文工畫妙各臻極異境恍惚移於
斯架巖巖鑿谷開宮室接屋連墻千萬日羸顛劉蹶了不聞地
拆天分非所恤種桃處處惟開花川原遠近蒸紅霞初來猶
自念鄉邑歲久此地還成家漁舟之子來何所物色相猜更
問語大蛇中斷喪前玉群馬南度開新主聽終辭絕共悽然
自說在今六百年當時萬事皆眼見不知幾許猶流傳手持
牛酒來相饋樽數不同樽姐異月明伴宿玉堂空骨冷魂清
無夢寐半金雞咽嘶鳴火輪飛出客心驚人間有累不可
住依然離別難為情船開棹進一回顧萬里蒼茫煙水暮世
俗寧知偽與真至今傳者武陵人

贈唐衢

虎有爪兮牛有角虎可搏兮牛可觸奈何君獨抱奇材手把
鋤犁餓空谷當今天子急賢良函朝出開明光胡不上書
自薦達坐令四海如虞唐

古意

太華峯頭玉井蓮開花十丈藕如船冷比雪霜甘比蜜一片
入口沈痾痊我欲求之不憚遠青壁無路難負緣安得長梯
上摘實下種七澤根株連

贈鄭兵曹

樽酒相逢十載前君爲壯夫我少年樽酒相逢十載後我爲
壯夫君白首我材與世不相當戢鱗委翅無復望當今賢俊
皆周行君何爲乎亦遑遑盃行到君莫停手破除萬事無過

酒

雉帶箭

原頭火燒靜兀兀野雉畏鷹出復沒將軍欲以巧伏人盤馬
彎弓惜不發地形漸窄觀者多雉驚弓滿勁箭加衝人決起
百餘尺紅翎白鏃相傾斜將軍仰笑軍吏賀五色離披馬前
墮

寄盧仝

玉川先生洛城裏破屋數間而已矣一奴長鬚不裹頭一婢
赤脚老無齒辛勤奉養十餘人上有慈親下妻子先生結髮
僧俗徒閉門不出動一紉至今鄰僧乞米送僕忝縣尹能不
耻俸錢供給公私餘時致薄少助祭祀勸參留守謁大尹言
語纒及輒掩耳水北山人得名齧去年去作幕下士水南山

人又繼往鞍馬僕從塞間里少室山人索價高兩以諫官微
不起彼皆刺口論世事有力未免遭驅使先生事業不可量
惟用法律自繩已春秋三傳東高閣獨抱遺經究終始往年
弄筆朝同異怪辭驚衆謗不已近來自說尋坦途猶上虛空跨
綠駟去歲生兒名添丁意今與國充耘耔國家丁口連四海
豈無農夫親耒耜先生抱才終大用宰相未許終不仕假如
不在陳力列立言垂範亦足恃苗裔當蒙千世宥豈謂貽厥
無基址故知忠孝出天性潔身亂倫安足擬昨晚長鬚來下
狀隔牆惡少惡難似每騎屋山下窺闕渾舍驚怕走折趾憑
依婚媾欺官吏不信令行能禁止先生受屈未嘗語忽此來
告良有以嗟我身為赤縣令操權不用欲何俟立召賊曹呼
伍伯盡取鼠輩尸諸市先生又遣長鬚來如此處置非所喜

况又時當長養節都邑未可猛政理先生固是余所畏度重
不敢窺涯涘放縱是誰之過歟效尤戮僕愧前史買羊沽酒
謝不敏偶逢明月曜桃李先生有意許略臨更遣長鬚致雙
鯉

鳴鴈

嗷嗷鳴鴈鳴且飛窮秋南去春北歸去塞公就暖識所依天長
地闊棲息稀風霜酸苦稻梁微毛羽摧折身不肥徘徊反顧
群侶違哀鳴欲下洲渚非江南水闊朝云多草長沙軟無網
羅閑飛靜集鳴相和違憂懷惠性匪他法又風一舉君謂何

賈客樂

張文昌

金陵向西賈客多船中生長樂風波欲歛移船近江口船頭
祭神各澆酒停盃共說遠行期入蜀經亦出誰別離金多聚申

為上客夜夜笑緡眠獨遊秋江初月猩猩語孤帆夜發瀟湘
渚水工持楫防暗灘直過山邊改前侶年年逐利西復東姓
名不在縣籍中農夫稅多長辛苦棄業長為販寶翁

車遥遥

征人遥遥出古城雙輪齊動駟馬鳴山川無處無歸路念君
長作萬里行野田人稀秋草綠日暮放馬車中宿驚塵落
在我傍獨唱鄉歌對僮僕君家大宅鳳城隅年年道上隨行
車願為玉夾纒華軼終日有聲在君側門前舊宅久已拋無由
復得君消息

吳宮怨

吳宮四面秋江水江清露白芙蓉死吳王醉後欲更衣座上
美人嬌不起宮中千門復萬戶君恩反覆誰能數君心與妾

既不同徒向君前作歌舞
茱萸滿宮紅實垂秋風嫋嫋生
枝姑蘇臺上夕讌罷他人侍寢還
獨歸白日在天光在地君
今那得長相弃

古釵歎

古釵墮并無顏色百尺泥中今復得
鳳凰宛轉有古儀欲爲
首飾不稱時女伴轉看不知主
羅袖拂拭生光輝蘭膏已盡
股半折雕文刻樣無年月雖離井底入匣中不用還與墜
同

征婦怨

九月匈奴殺邊將漢軍全沒遼水上
萬里無人收白骨家
城下招魂塋婦人依倚子與夫同居貧賤心亦舒
夫死戰場
正腹妾身雖存如畫燭

封塞垣唯有中官作宮使每年寒食一開門

六歎

李涉

綺羅香風翡翠車
晴明獨傍大容渠
渠上有雲鬢洞
仙女垂羅掩穀
烟中語風月頻驚
桃李時淪波久別
鴛鴦侶欲傳一札
孤飛翼山長水遠
無消息却鎖重門
一院深半夜空庭
明月色深院梧桐
夾金井上有轆轤
青絲索美人清晝
汲寒泉寒鵲歇上
銀瓶落落迢迢碧
甃千餘尺竟日倚
闌空歎息惆悵不
來照明鏡却掩洞
房花宗宗

車遥遥

張承吉

東方隴隴車軋地
色不分新去轍闌
門半掩床半空斑
斑枕花殘淚紅君
心若車千萬轉又
身如轍遺漸遠碧
川樓樓山宛宛馬
蹄在耳輪在眼棄
門又兒情不淺莫
道野蚕能作

爾

燕臺詩

李義山

月浪衝天天宇濕涼蟾落盡疎星入雲屏不動掩孤頰西樓
一夜風箏急欲織相思花寄遠終日相思却相怨但聞北斗
聲迴環不見長河水清淺金魚鎖斷紅桂春古時塵滿鴛鴦
茵堪悲小苑作長道玉樹未憐亡國人瑤瑟悵悵藏夢夢
羅冷薄金泥重簾鈎鸚鵡夜驚霜喚起南雲繞雲夢雙瑤丁
丁聯尺素內記湘川相識處歌唇一卅銜雨看可惜馨香手
中故

曉仙謠

溫飛卿

玉妃喚月歸海宮月色澹白涵春空銀河欲轉星壓雪浪
疊山埋早紅宮花有露如新淚小苑茸茸入寒翠綺閣空傳

唱漏聲網軒未辨凌雲子遙遙珠帳連湘烟鶴扇如霜金骨
仙碧簫曲盡綠霞動下視九州皆悄然秦王女騎紅尾鳳乘
空回首晨鷄美霧蓋狂塵億兆家世人猶作牽情夢

蓮浦謠

鳴橈軋軋谿溶溶廢綠平烟吳苑東水清蓮媚兩相向鏡裏
見愁愁更紅白馬金鞭大堤上西江日日多風浪荷心有露
似驪珠不是真圓亦搖湯

春愁

韓琮

金烏長飛玉兔走青鬢長青古無有秦娥十六語如絃未解
貪花惜楊柳吳魚嶺鴈無消息水盼蘭情別來久勸君年少
莫遊春暖風遲日濃如酒

暑日題道邊樹

王穀

火輪迸焰燒長空浮埃埃扶面愁濛濛羸僮走馬喘不進忽逢
碧樹含清風清風留我多時住滿地濃陰懶前去却歎人無
及物功不似團團道邊樹

暗別離

劉瑤

槐花結子桐葉焦雀悲地鳥啼青霄翠軒輾雲輕遙遙燕脂
淚迸紅線條瑤少歌芳心耿耿玉珮無聲畫屏冷朱絃暗斷
不見人風動花枝月中影青鸞脉脉西飛去海闊天高不知
處

瀑布

徐凝

瀑布瀑布千丈直雷奔入江無暫息萬古長如白練飛一條
界破青山色

吳宮怨

衛萬

君不見吳王宮閣臨江起小卷珠簾見江水曉氣晴來雙
閒潮聲夜落千門裏句踐城中非舊春姑蘇臺下起黃塵祇
今唯有西江月曾照吳王台裏人

宮怨

長孫左輔

院前好樹名玫瑰去年花冷今年開無情春色尚識返君心
忽斷何時來憶昔妝成候仙仗宮璫玲瓏日新上拊心却笑
西子頸掩鼻誰憂鄭姬謗早染文章衣下履花黏甲乙牀前
帳三千玉貌休自誇十二金釵獨相向盛衰傾奪欲何如嬌
愛翻悲逐佞諛重遠豈能慙沼鵠棄前方見泣船魚看籠不
記薰籠腦詠扇空曾禿鼠鬚始意類蘿新託柏終傷如薺却
甘奈除院獨開還獨閉鸚鵡驚飛苔覆地滿箱箱舊賜前日夜
漬枕新垂夜來淚痕多開鏡照還悲綠鬢青蛾尚未衰莫道

新繚長絕比猶逢故劍會相追

春江花月夜

張若虛

春江潮水連海平海上明月共潮生
灩灩隨波千萬里何處春江無月明
江流宛轉繞芳甸月照花林皆似霰
空裏流霜不覺飛汀上白沙看不見
江天一色無纖塵皎皎空中孤月輪
江畔何人初見月江月何年初照人
人生代代無窮已江月年年望相似
不知江月待何人但見長江送流水
白雲一片去悠悠青楓浦上不勝愁
誰家今夜扁舟子何處相思明月樓
可憐樓上月徘徊應照離妝鏡
羞玉戶簾中卷不去搗衣砧上拂還來
此時相望不相聞願逐月華流
照君鴻鴈長飛光不度魚龍潛
躡水成文昨夜閑潭夢落花可非春半不
還家江水流春去欲盡江潭落月復西斜
月沉月沉藏海霧

碣石瀟湘無限路不知乘月幾人歸
落月搖情滿江樹

娥眉怨

王翰

君不見宜春苑中九華殿飛閣連
直如髮白日全含朱鳥窓流雲半入蒼龍闕
宮中綵女夜無事學鳳吹簫弄清越
珠簾北卷待涼風繡戶南開向明月
忽聞天子憶娥眉寶鳳銜花
蝶兩螭傳聲走馬開金屋夾路鳴環上玉墀
長樂形庭宴華寢三千美人曳光錦
燈前含笑更羅衣帳裏承恩薦瑤枕
不意君心半路迴求仙別作望仙臺
倉琅禁闥遙相憶紫翠巖房書不開
欲向人間種桃實先從海底覓蓬萊
蓬萊可求不可上孤舟縹緲知何往
黃金作盤銅作莖晴天白露掌中擎
王母嫣然感君意雲車雨旂欲相迎
飛廉觀前空怨慕少君何事酒相誤
一朝埋沒茂陵田賤妾娥眉不重顧
官車晚

出向商山仙衛逶迤去不還朝暉泣對麒麟樹下蒼苔日
漸班人生百年夜將半對酒長歌莫長歎乘知白日不可思
一死一生何足算

琵琶

無名氏

粉膏練臆誰家女香撥星星共春語七盤嶺上走鸞鈴十二
峯頭美雲雨千悲萬恨四五絃絃中甲馬聲駢闐山僧撲破
瑠璃鉢壯士擊折珊瑚鞭珊瑚敲折聲交曼玉盤傾瀉真珠
滑海神驅趁夜濤回江娥感踏春冰裂滿座紅粧盡淚垂望
鄉之客不勝悲曲終調絕忽飛去洞庭月落孤雲歸

文翰類選大成卷第二十八

